

清史紀事本末

日本訂約

穆宗同治十年夏五月日本使臣伊達宗城解原前光來謁訂約。命李鴻章為全權大臣與議於天津。日本在東海中全國四面環海。統四大島而為國。所屬小島凡一千八百餘。當周惠王時有盤武彥尊起日向國。率師東征討平長髓及彥八十島。號開山林營宮室。遂遷都即位於大倭（即大和）之橿原。是為神武帝。自漢武帝滅朝鮮始有驛使通漢。建武中具委奴（今作伊都古怡土縣）國王遣使奉貢。朝賀於漢。光武帝賜以印綬。安帝時又遣使獻其生口百六十人。然皆出其國造（神武帝即位賜功臣稚根津彥等以地名曰國造）之所為。故非王室之所遣。至獻帝朝神功皇后渡海攻新羅。降之高麗。百濟皆歸款。後遂因高麗鄉導。數遣使朝於魏。自西晉以至於南朝。貢聘不絕。皆受中國封拜。隋煬帝之世。國書失辭。煬帝仍遣使往報。唐貞觀以還。信使踵至。遣僧侶學生留學於唐。或有仕唐者。當是時。上自天時地理。官制兵備。暨乎典章制度。語言文字。至於飲食居處之細。玩好游戲之微。無一不取法於大唐。禮儀文物。居然大備。及昭宗國亂。聘使渡海者多。阻於兵。不得達。其參議菅原道實。採留中學僧中雅。報告。屢罷遣唐使。五代及宋。國交彼此皆絕。元世祖混一志。修窮兵東伐。喪師十餘萬。日人築石砦於博多。禁通商。自是始有輕中國之心。明太祖時。張士誠方國珍餘黨。導其奸民為寇。出沒海上。至嘉靖中。尤猖獗。北自遼海。山東南抵閩浙。東粵濱海之區。皆罹其害。四十二年。總兵戚繼光俞大猷等合師大創之。其患始漸息。神宗之世。具闕白。豐臣秀吉兩出兵侵朝鮮。明師赴援。皆失。利秀吉卒。日本始收兵還國。後德川氏世執政。

惟方欲以文治致太平故二百數十載彼此相安於無事咸豐同治以來其國迫於外患下詔變法廣事外交與泰西諸國立訂條約念與中國鄰近宜亟通好以冀同心協力禦外侮乃於同治九年七月遣外務大臣柳原前光少臣花房義質等齎外務卿書來中國與總理各國事務衙門預商通好事宜至天津謁見通商大臣成林總督李鴻章成林代為上書命留津候命總理衙門議撥許通商不必換約前光再三力爭總理衙門始允與之訂約至是日本特以大藏卿伊達宗城為正使來締盟約前光副之朝命鴻章為全權大臣辦理日本通商事務江蘇按察使吳曾時署津海關道陳欽隨同幫辦是為中日議約之始秋九月與日本訂約成先是日使柳原前光歸國臣有以前明倭寇為辭奏請拒絕日本通商者李鴻章奏取之謂順治迄嘉道年間嘗與日本通市江浙設官商額船每歲購銅百萬斤咸豐以後蘇浙閩商往長崎貿易寄居者絡繹不絕論者拒絕之請於今昔時勢彼國事實蓋未深究今彼見泰西各國與中土立約彼亦援例而求設拒之太甚必因泰西介紹固請自不如就此時推誠相與彼使臣等來謁每稱欲與中國結好協力對外立言亦頗得體既允立約在前斷難拒絕於後云云時大學士兩江總督曾國藩亦上疏力爭其大致與鴻章摺中言相同且言彼或轉求西國介紹固請勢難中却即使外國前後恭親長中國交際之道逆而脅之則易於行成順而求之則難於修好又言日本素稱鄰邦非朝鮮琉球越南臣屬之比若不與泰西諸國之例待之彼將謂厚薄薛積疑生嫌但約中不可載明比照泰西各國通例辦理尤不可載利益均沾等語遂條備載每國詳書不必為此簡帖含混之詞堅彼之書而索我之章疏入朝旨趣之遂命鴻章與定修好條規十八條通商章程三十三款

附以中國日本海關稅則約成以中有不能盡同西約者。宗城既歸日政府意尚歛望設以事免宗城官。

十二年夏四月命北洋大臣李鴻章為換約大臣與日本全權大使副島種臣互換條規。初十一年二月日本以外務大臣柳厚前光兼少辦務使（即四等公使）來議改約並齎有外務卿副島種臣大輔寺島宗則致鴻章書略謂承訂條規謹奏聞允行惟去歲我國特派大臣使於歐西欲仿萬國通例議商改約將來改定後條規中所載以己國法訛斷己民等事必須更正故先商明又條規第二條遇事彼此相助從中調處之語兩國既結和議雖無此語亦有權可行應請裁撤第十一條帶刀之禁佩刀乃我國禮制若以入國問禁第交我國理事官檢束可耳不便明禁亦宜削去今特派前光等面陳冀與貴大臣時備文書往來擬議以為他日批單互換之地云云前光又陳通商章程所載進出口稅各條須議由日本海關按照成規抽收不必指明稅則鴻章謂前光曰日本與泰西改約成否未可知事果有成可以換約後再商海關收稅亦可屆時商辦帶刀之禁原慮細民滋事預為防範由理事官佈告禁令亦無不可待約滿時刪除至從中調處一語信如外務卿所謂各國均有此權但議約不載則可既載後裁將貽恥笑且語以萬國公法最忌失信今兩國於未換約之先遽爾遣員議改旋允旋悔於全權立約之命不幾相柄鑿而貽笑外人乎前光轟鳴惶愧而退後其右大臣岩倉具視至泰西詰邦議改約於領事法權及海關稅則兩事終不得要領而還帶刀一事未幾亦從其外務少輔森有禮之議卒自行革禁至彼此調處之言中國不允裁撤頗受西人揶揄日人大慚迨十月間有秘魯國商船瑪利亞留士騙誘澳

門華民三百餘人。載往其國傭工。已而避風積滯。舛師虐工人。工人憤而投水。適英艦長埃仁摩泊此。救之出。引告神奈川縣廳。種臣時為外務卿。令扣留商船。解放工人。使告於中國。中國遣同知陳福勳往謝。攜工人歸。日人旋於十一月。以種臣為特命全權大使。來換約。種臣既至天津。見鴻章自陳前此前光之來高改約。非其本意云。遂互換條規。種臣旋入京。與泰西各國公使同覲。見於紫光閣。賀大婚。及親政盛典。並呈遞國書。種臣既歸。留前光為公使。以井田瑋為總理事。管十五口商務。品川忠道為理事。駐上海。兼管寧波鎮江九江漢口四處林道三郎為副理事。管廣州瓊州潮州三處。而駐於香港。

十三年夏四月。命船政大臣沈葆楨巡視臺灣。兼辦各國通商事務。先是十年十一月。有琉球船遇颶風。飄至臺灣。為生番殺殺五十四人。十二年二月。日本小田縣民四名亦漂至遇害。日本諸臣喜事者。因謂生番計狠。不可不肅懲。特以生番執番有異。欲先質經界於中國。會劉島種臣在北京。乃寄諭種臣。命詢臺地事。種臣難於啓口。因遣副使柳原前光往問總理衙門大臣毛昶熙。董恂。昶熙等答曰。番民之殺琉民。既聞其事。害番國人。則我未之聞。夫二島俱我屬土。屬土之人相殺。裁決固在於我。我恤琉人。自有措置。何煩責國事。而煩為過問。琉球羣島在日本之西南。與中之臺灣等處相對。舊分山南北中山三部。各有王分領之。明初中山王尚氏統一琉球。受明冊封。世通朝貢。順治入關以後。稱臣入貢。一如明制。然同時亦朝貢於日本。故當日前光大爭琉球為日本版圖。又具證小田縣民遇害狀。且曰。貴國已知恤琉人。而不懲臺番者何也。曰。生番係化外之民。我政府未便窮治。前光曰。生番害人。貴國舍而不治。然一民莫非赤子。赤子遇害而不問安。

在為之父母。是以我邦將問罪島人。為盟好故。使某先告之。反覆論詰者累日。卒不能畢議而去。是年三月。日廷乃以陸軍少將西鄉從道為都督。谷干城及海軍少將赤松則良為參軍。率兵赴臺。海軍少佐福島九成為廈門領事。兼管番事。別延美國人李仙得參謀。編英美船為運輸。而特命參議兼大藏卿大隈重信為總理。時美公使錢斐迪執局外中立之例。收還其船舶人民之為日本所備役者。並令廈門領事。捕李先得等。英公使巴夏禮亦言日本此舉不合公法。中國必生異議。於是內閣大生紛議。急遣人馳論於重信。令止軍行。且歸京。重信告從道。從道不奉命。曰。某當親搗虜巢。斃而後已。萬一清國生異議。朝廷目臣等為亡命流賊。以覆之可也。重信勸諭百端。從道不聽。即夜下令發師。重信電聞。日廷大憂。再傳內旨於長崎。從道憤然行。而廈門日領事九成亦書告閩督李鶴年。謂今將起師問罪於貴國化外之地。鶴年覆書。爭生番為中國屬地。請撤兵。隨疏以聞。令葆楨巡閱臺灣。調兵警備。冬十一月。沈葆楨奏。日本違約退兵。命妥籌臺灣善後事宜。初。日本以英美公使有違言。所賃船舶悉解約還之。於是運糧調兵。皆失便。諸艦出發兩月餘。始還臺灣之社寮港。分道進攻竹社風日石門諸番。生番據險力拒。不能進攻。牡丹社亦不利。乃退守龜山。造都督府。設病院。修橋繕道。為屯田持久之計。葆楨抵臺。築礮臺於澎湖諸島。設海底電線於臺灣廈門間。購新式洋鎗三萬枝。於德調淮軍來臺。議購鐵甲艦於丹。防務既備。不先開釁端。仍成諭生番。諸社番人願遵約束。日人為之奪氣。又久屯龜山。以酷暑多病。痘痘相繼。相望進退維谷。而是時赤松則良在上海。偵探馳報。巡撫朱凱奏。將兵二萬向臺助戰。守。日本大懼。遂於八月。以參議兼內務卿大久保利通為辦理全權大臣。來議臺事。九月。至天津。謁總理王。

大臣辯論番地所隸之經界。互相齟齬。逾兩旬不決。利通乃陽言歸國。再舉而陰託英公使威妥瑪出任調停。利通始要償軍需金三百萬圓。總理衙門以日本為無理橫肆。堅執不許。軍機大臣文祥執議。不給一錢。葆楨亦疏言。倭備雖增。倭情漸怯。虛聲恫喝。其我遷就求和。仙入其彀中。彼必得步進步。我但厚集兵力。無隙可乘。自必帖耳而去。請堅持定見。力為拒却。葆楨又遺書北洋大臣李鴻章。謂利通之來。其中情窘急可憫。然必欲示整肅。不肯遷就我範圍。是欲速之意在彼。我既以逸待勞。以主待客。自不必急於行成。鴻章以告。廷議大韙之。已而以英使居間再三。乃終許撫恤籌補銀。限制撤兵。立約三條如下。(一)日本國此次所辦。原為保民義舉。清國不指以為不是。(二)前次所有遇害難民之家。清國許給以撫卹銀十萬兩。日本所有在該處修道建房等件。清國領留自用。先行議定籌補銀四十萬兩。(三)所有此事兩國一切往來公文。彼此撤回。註銷作為罷論。至該處生番。清國自行設法妥為約束。簽約既定。利通歸。旋日皇遣敕使於臺灣。詔班師。是役也。日本糜費六百餘萬圓。兵士疫死者甚眾。然是時已昌言琉球為其屬地。琉球難民被害。與清政府無涉。中國政府未之知也。越三年。日本廢琉球。夷為沖繩縣。中國政府始遣使與抗議。不得直。及中法越南新約定。日本援以為例。於是琉球羣島終歸日本矣。

清史紀事本末卷五十四

天津教案

穆宗同治九年夏五月天津人民毆斃法國領事樊滋教堂。命曾國藩馳往查辦。基督教自唐建中二年始入中國。所謂大秦景教者也。及元至元二十七年。羅馬教徒若望高未諾來使於元。得元廷許可。布教北京。建禮堂。迨明正德十二年。日耳曼人路得創立新教。曰耶穌教。奉羅馬教者多。幡然從之。其流行中土之教會。勢亦因之不振。時有西班牙人羅耀拉。目覩舊教中衰。結合同志。設耶穌伊德社。欲轉入東洋。力為傳布。以再興舊教於中國。於是義大利人利瑪竇泛海來。以萬曆八年至廣東。二十八年入北京。倡天主教。朝官徐光啟李之藻輩習其說。又從之。譯受乾坤體義。幾何原本測量法義諸書行世。以是見重於神宗。令傳於京師內外。崇建禮堂。利瑪竇卒。德意志人湯若望繼至。承其業。明廷使當司天之任。明鼎革。若望歸命新朝。世祖優禮之。使掌欽天監。尊為通玄教師。自治曆之外。凡外交通譯及測量境土事。悉以任之。並許其設堂京師。自為傳教。故至康熙初年。天主教盛極一時。全國信徒不下數十萬。而此輩久居中土。繪圖測鏡消息靈通。遂萌覬覦之漸。及乾嘉兩朝。屢次下詔嚴禁。其勢漸微。自道光二十三年。白門和議成。傳教載入條約。二十五年。復徇法人之請。通商各口。皆設天主教堂。入內地傳教之人。地方官皆優待保護。自是法人以天主護法自居。在本國則返之。主政教分立之說。在中國則祖之以為偵探我政俗。攫取我利益之機關。而中國教堂之禍。從此始矣。咸豐八年。廣西西林知縣張鳴鳳處治法國傳教之馬神甫。法領事訴於北京。楓鳴鳳職。同治元年。湖南江西拆毀教堂。各知縣革職。並勒

限賠修。及嚴懲倡首之人。同時貴州殺害教士文乃爾等。巡撫田興恕。至於道光六年及八年。四川嚴斃教士馮弼樂李國兩案。皆懲犯僧銀。而教民殺死平民。及姦擄焚殺首惡王學鼎張添興等。雖已議罪。然不到案。其司鐸卓輔臣。糾眾殺斃國民趙永林二百餘名。地方官不能查辦。民人愈加忿激。仇教之事。遂紛然以起。是年四月。天津有匪人違揚人口。並傳言有挖眼剖心等事。據獲犯武蘭珍供。為天主教民王三所使。時崇厚在津辦理通商。與法領事豐大業等商定。令道府縣帶同武蘭珍赴堂。指勘所厯地方房屋。與原供不符。亦即帶犯歸。旋聞有民人在教堂口角爭毆。正在派弁前往彈壓。忽豐大業洶洶來署中。向崇厚施放手鎗。並向知縣劉傑放槍。擊死知縣僕從一名。於是民人奮起。羣毆豐大業致死。並焚毀教堂。拆毀仁慈堂。寺處。殺傷教民及貞女數十人。又誤殺俄國商人三名。誤毀英美兩國講堂各一所。天津大擾。直隸總督曾國藩。時在病假。朝命馳赴天津查辦。六月。曾國藩奏籌辦天津教案情形。請將誤斃俄商及誤毀英美兩國講堂。先行議結。從之時。法人藉端要挾。聯英美以迫政府。其欲甚急。國藩知法人難以理喻。倘四國協以謀我。更難於對付。因請將俄商及英美講堂各項交涉。先行設法議結。不與法國牽混。詔令會同崇厚妥為商辦。以免輕端。命崇厚出使法國。以成林林辦理通商事務。時英法水師提督已在大沽請示國主。北京政府聞之。深恐決裂。特派遺崇厚前往法都。為道歉使。曾國藩奏查明津案大概情形。所有挖眼剖心之說。多屬虛証。請旨通飭各省。以釋羣疑。允之。國藩抵津後。研訊教民違拐人口一節。王三雖經供稱授藥與武蘭珍。然當時供時翻。亦無教堂主使確據。至仁慈堂查出男女一百五十餘口。逐一訊供。均稱其家送至堂中養養。並無擄拐情事。至挖眼剖心。當國藩初

入津郡士民攔與遮禦不下數百餘起及親加推問無一能指實者詢之天津城內外亦無遺失幼孩控告之家而民間紛紛言有眼盈踵由陳大帥自帶進京大帥者俗間稱陳國瑞之名也時以記名提督奉召入京統領神機營又崇厚專弁到京亦向總理衙門稱述是說並有人奏津民焚燬教堂由堂內起有人眼人心等物呈交崇厚收執且聞現已消滅等語而國藩則謂殺孩壞屍採生配藥野番山惡之族尚不思為而謂歐西文明各國肯出此殘忍之行以理決之必無是事况眼珠若至盈踵則堂內必有千百無目之人何無一人見在即云殘害其屍具又將何歸即仁慈堂之說其始意亦與中國育嬰堂養濟院略同專以收卹窮民為主每年所費銀兩甚鉅彼以仁慈為名而反受殘酷之譏宜其忿忿不平也至人民之所以猜疑生憤其原因有五一堂門終年扁閉過於秘密外人莫能窺測底蘊又堂中皆有地窖津民未經目覩但聞地窖深邃各幼孩幽閉其中及國藩親詣調查其為地窖則為隔去潮濕度置煤炭之用一中國人民有至仁慈堂治病者往往被留不出前任江西進賢知縣魏席珍之女賀魏氏帶女入堂治病久而不返其父至婉勸回家堅執不允因謂其有藥迷喪本心一仁慈堂收留無依子女及疾病將死之人又被教有施洗之說施洗者其人已死教主以水沃其額而封其目謂可升天堂津民見其收及將死之人聞其親洗新屍之眼已堪詫異又由他處車船致送來津者動輒數十百人但見其入而不見其出不明何故一堂中院落既多或唸經或讀書或傭工或醫病分類而處雖母子之間往往終年而不相見一是年四五月間堂中死人過多其掩埋又多以夜或有兩屍三屍共一棺者一日河東靈塚有為犬所發者一棺二屍天津鎮中營游擊左寶貴等曾經目覩死人皆由內先腐

此獨由外先腐。胸腹糜爛。腸肚外露。由是浮言大起。加以平日熟聞各處檄文揭帖之言。已信為實。而又積此種種疑竇。羣懷恚恨。迨至揚匪牽涉教堂。府縣赴堂查訊。領事對官放槍。眾怒乃不可遏矣。國藩既查明以上根原。遂奏請明降諭旨。通飭各省。俾知從前檄文揭帖。所稱教民挖眼剖心。戕害生民之說。均係謠傳。布告天下。咸使聞知。一以雪教堂之冤。一以解士民之惑。並請將津人致疑之端。宣示一二。其行凶首要各犯。及乘機搶奪之徒。已飭屬捕拏嚴懲。並調保定銘軍三千人。駐紮靜海。以資彈壓。另片奏請將道府縣三員革職治罪。均奉旨照准。並飭令神機營統領記名臬司陳國瑞。赴津聽候查問。命毛昶熙前往天津。會同曾國藩查辦事件。丁日昌幫同商辦李鴻章酌帶所部。馳赴近畿一帶駐紮。初國藩開始教案。立意與崇厚分諒。不獎士民義憤。蓋以粵捻初平。宜堅持和局。不宜與鄰邦構釁。又慮四國合從。敗約。變不測。京師震驚。於是力主和平。辦理為教堂昭雪。挖眼剖心之說。以平其心。其焚毀各國教堂公館。復提款興修。俄國誤傷三人。均給予撫卹。而法使羅淑亞。肆意要挾。除懲犯若干人外。必令府縣官及陳國瑞三人議抵。國藩力拒之。疏言府縣官實無大過。送交刑部。已屬法重情輕。至陳國瑞不在事中。仍復曲徇所請。飭令來京備質。彼若立意決裂。雖百請百從。難保無事。且外國論強弱。不論是非。若中國有倚和議當易定。已令記名臬司丁日昌統帶張秋銘軍九千人。拔赴滄州。以資防禦。並函商督辦陝西援師。湖廣總督李鴻章酌帶郭松林等軍。剋日馳赴近畿一帶扼紮。並疏言善全和局。以為保民之道。備禦不虞。以為立國之本。詔嘉納之。而津民不知此義。遂以崇厚者怨國藩。內之又為政府頑固黨所播弄。呼為賣國賊。白簡紛紜。舉國欲殺。張京湖廣會館。且將國藩匾額。拔除摧燒之。於是

崇厚懼事決裂奏國藩病勢甚重請罷免而以鴻章代之詔促鴻章迅赴京畿崇厚諭沿江沿海各督撫嚴行戒備八月調曾國藩為兩江總督李鴻章為直隸總督時國藩辦理津案已有眉目擬於是月二十三日先行奏結而鴻章自保定行次上疏言天津滲事各犯正法八人與謀罪二十餘人辦法不為不重若殺戮太過實為外人永遠之患尤非各國厚待中國百姓之心云云總理衙門大疑之於是奏請飭鴻章迅赴津任通國藩續奏至中有此案棘手甚多礙難拘守常例不得不變通辦理見訊明各犯擬辦正犯者十五人擬辦軍徒者二十一人將來第二批奏結或再辦首從犯各數名或與法人訂定抵償實數由總理衙門議定行知等語疏入大行政府意有旨責其拘泥謂此案衡情定罪惟當以供證為憑期無枉縱豈能據為懸擬強人就案隨有旨飭鴻章迅速赴津會同國藩崇厚督飭辦理九月以天津疏防民敢起釁革職知府張允濤知縣劉傑發往黑龍江効力贖罪正法茲事人犯二十人軍徒二十五人充海等遠京後刑部擬以遣戍軍臺奏上命從重改發黑龍江陳國瑞訊與津案無干著免議其滋事人民馮病子等十五名及續獲之劉二等五名即行正法小維王五等二十一名及續獲之鄧老等四名分別發配安置曾國藩辦案歸結優即著來京陛見李鴻章著仍駐天津籌辦彈壓撫綏各事宜崇厚著即起期放洋前往法國表明惋惜

清史紀事本末卷五十五

平靖滇回

文宗咸豐五年冬十二月雲南回民杜文秀起衆化繁據大理府提督請永昌死之先是滇省漢民覩覩永昌回族腹回於是勾結奸胥。購集地方官吏。所有回民一律驅逐徼外。回人失其故業。往往聯結黔苗。沿邊滋擾。以逞報復。至是推文秀為渠帥。佔據大理府城。永昌提兵迎擊。兵潰。致為所執。

六年冬十二月。諭雲南巡撫恒春。剿辦滇回。自滇回起事。地方官知曲在漢民。又因回衆勢大。專主撫回。民藉求撫。以售奸謀。其實在省城者。以訓導明廢。為內援。尋向東川。又倚畏難苟安之知縣潘楷。汪之旭之狗庇。於是層赴大理。進規永昌。賞首武進士馬名魁。最為兇悍。連破廣西州邱北平彝等縣。焚殺尤慘。大理紳民赴省請剿。總督舒興阿。任信門丁陳喜。與巡捕施嘉瑞。表裏為奸。不予准理。致回勢愈張。事上。諭命恒春。迅籌掃滅。尋召舒興阿。赴京。以恒春代為雲貴總督。

七年夏六月。恒春自殺。調吳振斌為雲貴總督。時回氛幾逼三遠。復逼近省城。恒春堵禦計窮。懼甚。夜與其妻傅為特氏。在署自縊死。命振斌統帶川兵前往。復命前任山東巡撫張亮基率師繼進。尋發亮基雲南巡撫。調湖南按察使徐之銘為雲南按察使。冬十月。革雲南在籍侍郎黃琮。御史甯坤。職。總督吳振斌受命入滇。沿途調查回漢起釁情形。歸。咨於滇紳黃琮等。散帖告示。倡議滅回。致回民疑畏。憤激而成。請將琮等革職。昭雪回民之冤。其漢民有藉團練為名。肆行殺掠。

者即以軍法從事。詔悉從之。聞者皆為琮等稱屈。

八年夏五月吳振械奏曰民就撫省城解嚴張械疏稱屯集城外之同民二萬餘咸已解散地方肅清。實則回人固巡撫張亮基駐軍曲靖果破回家諸名受撫出具永不滋事甘結。以請亮基入城。後於城外別築一城以困之。復誘殺亮基之姪。自是滇事愈不可為矣。冬十一月吳振械因病解任。以張亮基為雲貴總督。徐之銘為雲南巡撫。時振械受制回人。亮基入城後亦為回人看守。出入均難自主。廷議以振械懦弱。命解任。以亮基代之。而以之銘繼亮基為巡撫。

十年冬十月張亮基以病免。調貴州巡撫。劉源灝為雲貴總督。時亮基疏奏徐之銘以道員馬椿齡知通海縣。雷炎於撫回復叛襲城。時不應迎擊。偏令椿齡自盡。量茲於市。妄意以平回怒復因升任陝撫。布政使鄧爾恆在滇時。意主剿回。候之侯爾恆行次曲靖。陰使副將何有保截殺之。詔下之銘回奏。而之銘則奏稱回民假撫襲城。椿齡係在途次病故。衣係被傷身死。爾恆係行次曲靖被盜殺。並自陳與亮基辦理回務意見不合。帝為之罷免亮基。以源灝代之。

十一年秋七月召劉源灝來京。以安撫巡撫福濟調升雲貴總督。時徐之銘為回人所利用。亦遂挾回以自固。凡新任督撫入滇者。之銘皆陰嗾回人執禁之。或賄殺源灝。源灝遂留川境不敢進。且稱病乞休。乃召源灝還京。以福濟代之。福濟亦不抵任。

穆宗同治元年春三月徐之銘奏省城解圍。回民就撫。先是回人馬起等率眾迫逼雲南省城。有武生馬如龍呈稱力能解散。請親赴各壘勸導。之銘許之。省國立解。並退出所據各城。事聞詔嘉獎如龍。命以總兵用。

二年春二月雲貴總督潘鐸為回衆所執雲南自回變以來全省分數其據大理者曰杜文秀臨
曲靖者曰馬勝陞諸省城者曰馬德新德新為回教中掌教行輩最先羣酋皆聽號令時徐之銘
雖已罷斥而新授巡撫賈洪謨不敢入滇之銘為諸回擁護北言無人接替諸位奏事如故德
新益快之以為傀儡之銘使德新招撫文秀許割大理永昌麗江三府地予之德新遂親至姚州
議和文秀出示謂馬復初（德新字）已允分給迤西之地矣總兵馬如龍亦回中渠魁而悍悍好
鬪時潘鐸既受命督滇毅然入城欲力振威權安輯回漢而德新如龍驕悍不受羈勒頗難措手
德新示意欲封平而王鐸嚴拒之如龍亦欲兼井迤東諸郡詭安土豪梁士其不厭糾衆守險如
龍請剿之鐸不許如龍復平所部往攻鐸懼士其固守又徵他郡團練中之與如龍為仇者使與
士其合圖如龍之銘忌鐸立功故洩其謀於德新德新懼鐸並圖已密召回弁馬榮率黨二千餘
入城駐五華山道路洶洶皆言榮反榮夙為鐸所信任故鐸終以榮不負已榮亦不思於鐸未敢
然其夜日出驢攜鐸親詣五華書院開諭令移屯城外榮已諾矣方登輿榮揖送其黨以矛
刺鐸榮趨後鐸已竟居民驚亂回黨絡繹入城並戕在籍兵部右侍郎黃琮等時布政使岑毓英
以兵練千扼守潘署臬司以下皆避入馬龍英因語於衆曰今賊雖入城吾當死戰破之如其不
勝與公等聞署自焚未晚也於是憑血誓師分兵守東南門用間離其黨而陰使使召如龍入援
方總督之被戕也之銘迎德新入居總督署號令一切德新亦密召如龍欲與其討榮以示已非
叛如龍初聞省城陷以為院司皆已戕比知潘署未失還軍馳入省諸紳民率團練至擊榮於城
內大破之榮遁回武定之銘仍署總督如龍署提督事聞之銘率職還京以林鴻年為巡撫調勞

崇光為總督之銘卒倚回不行朝廷莫能治也

三年秋九月。岑毓英攻克尋甸。擒馬榮磔之。冬十月。岑毓英克西靖。擒馬聯陞磔之。

五年夏四月。岑崇光奏請以馬如龍專辦西路回股。以岑毓英督攻諸拱箐。海馬姑等處。從之。自徐之銘倚回自重。盤踞滇中。縱回戕殺。鄧爾恆潘輝。於是前後新殺督撫。如劉源瀚。福濟。賈洪楮。林鴻年。皆畏慈不敢進。崇光自拜滇督之命。無程抵昆明。僚屬徘徊俟進止。或尼其出入。崇光曰。吾嘗草騎入廣東。島人萬計視之蔑如也。豈憚叛回哉。遂入城。請回駭愕。如龍率回弁索難迎入。崇光語於眾曰。滇回仇殺。乃賊闕案。非軍務也。益開誠布公。以安反側。如龍等意始安。崇光用毓英言。用兵先東後西。以免牽制。因請以如龍辦大理一股。毓英剿諸拱箐一股。得旨報可。

六年春二月。岑崇光卒。以張凱高為雲貴總督。剿張昭為雲南巡撫。時徐之銘已死。林鴻年追還川境不行。紹章職以徽昭補巡撫。秋七月。岑毓英攻援諸拱箐。回巢進平海馬姑諸壘。三省邊界悉平。毓英自攻克鎮雄州城。障新回苗李開甲。漆維新等之德。復進剿諸拱箐。初。陶新春據海馬姑。紅崖尖山。山壁立斗絕。大河帶其前。鳥道一線。攀援而登。一夫扼險。萬人莫進。敵中呼為鐵桶江山。黨類日眾。山隘不能容。陶新春復分據諸拱箐。其地界滇黔川三省之交。八山環合。三面巖然。惟青松梁一面。為往來之便。絕頂孤峯。勢凌霄漢。三泉下注。灌山麓為河。敵人分據山險。山下沃壤曰吳家屯。屯有間道。可達海馬姑。外有二龍關。大了口。小丫口。三隘堅要。密布出掠。退守據賊自如。惟大溜口一隘。復路險僻。毓英令部將張保和。林守懷領二千人。夜由大溜口徑抄出。二龍關後。掩襲吳家屯。自督三千人。攻二龍關。賊傾巢出拒。戰方酣。忽聞後軍礮聲震天。敵

驚回執兩軍失擊。三隘皆下。遂奪吳家屯。新獲無算。海馬姑敵眾來援。毓英要擊於中途。大破之。皆潰走。又令部將蔡棟劉重慶分軍圍劉海馬姑。亦克其紅崖尖山。敵援斷。連逼騎拱菁老巢。敵鑿千餘斤巨石。實礮礮松脂。引火於蒂。自山傾墜下。又驅牛馬衝突。搗壞二十餘營。毓英親搏戰。新悍酋敵始却。退營山半。毓英令於營前掘深坑。敵用前法來攻。石盡落坑中。軍士無所傷。敵計窮。堅守不出。敵黨多保人。保俗連袂踏歌相唱和。毓英令保人之從軍者。徧山環歌。諷以解散。敵中聞歌而遠者萬餘人。保目大紅袍來降。毓英用其計。破敵新敵二萬。生擒其大元帥陶新春等。川督駱秉章聞捷。使人犒師。點檢敵屍。築為京觀。是役也。拔兩軍戰狀者。皆咋舌。遂合劉海馬姑新陶新春盡平其壘。三省邊境肅清。計自儲拱菁至滅敵。僅百二十四日耳。

七年春三月。張凱嵩以規避車職。擢劉猷昭為雲貴總督。冬。毓英為雲南巡撫。夏。閏四月。岑毓英連破石虎關。回壘克復。呈貢武定元謀。祿勸羅次。晉寧澄江等城。先是。迤西回首柱文秀乘毓英督兵退出。傾巢下犯。眾數十萬。連陷二十餘城。省城戒嚴。毓英自儲拱菁凱旋曲靖。聞警。倍道來援。於是年二月。連破大小石壩。小板橋。古庭庵。金馬寺。數十壘。進駐響水關。策應各路。馬如龍來會。涼悔率回之費已。恒侃不安。毓英推誠慰勉。約共竭力滅敵。如龍感奮。由是大局始有轉機。毓英旋督攻楊林。飭將四出分剿。躬自往來督戰。遂克破石虎關。敵壘並攻復呈貢等處。

八年春三月。雲南澄江回後叛。襲據府城。澄江回眾上年業已投誠。至是復勾結嵩尋諸回首馬。周等。由楊林繞越山路。襲據府城。夏五月。劉猷昭收復尋甸。敵昭自上年冬。攻尋失利。至是經總兵全祖貽攻克。要隘各隘。回目馬添順李芳沅等先後投誠。遂收復尋甸。岑毓英肅清省東。

回壘攻克楊林園山等處。省東諸回盤踞於十里舖等處。毓英遣部將李維述等分路進攻。先將蕭家山敵棚焚燒。敵向省北馬村一帶任奔。自十里舖小橋橋至長城六十餘里。堅壘一律掃蕩。具楊林園山等處路回。復為毓英弟道員岑毓寶等剿滅。楊林富民全境肅清。六月。岑毓英克萬明州。及龍陵廳白鹽井等處。秋七月。岑毓英連破附省李家地老鴉營等處。回壘。八月。岑毓英攻克易門縣城及黑頭等處。鹽井回壘。雲南附省回壘。特各處鹽井以資軍用。毓英令李維述回仲興。岑毓寶等分路進剿。次第收復易門縣城及黑頭等處。鹽井並攻破海口八街等處。回壘。冬十月。岑毓英攻克楚雄等城。毓英遣將分攻楚雄南安定遠三城。皆下之。十一月。岑毓英收復昆陽州城。先是馬如龍督軍進攻昆明未下。毓英復遣總兵張保和至。設重圍以困之。城內守將楊振鵬夜開城遁。保和設伏擒之。並弋獲馬聯魁馬生龍等。十二月。岑毓英肅清附省土堆回壘。並攻克祥豐縣城。是役回壘馬得良劉和等皆被獲。

九年春二月。岑毓英等攻克麗江等城。及馬街等處。回壘。先是毓英與總督劉嶽昭提督馬如龍分軍三路。至是中路克復彌渡賓川及紅崖馬街各回壘。北路收復麗江劍川南路攻克緬甸寧麻城。夏五月。岑毓英等克復威遠廳城南路肅清。威遠為普洱府屬。久為回壘馬標佔據。屢攻未下。毓英令諸軍會同土練分路進攻。力戰年餘。始將該城克復。並破四壘。度一帶。回壘。南路肅清。岑毓英攻克姚州城。毓英督將李維述楊玉科等攻拔姚州堅城。及波江竹園之龍潭校場。龍苗村西山村一帶。營棚數十。其竹園城回。亦為張保和等攻破。營棚二百餘。東西兩山苗寨望風歸附。竹園下壩地方肅清。八月。岑毓英等收復新興州城。是役提督馬如龍督軍連破王枕山。

欣賓及附城諸壘遂將州城克復。冬十月。岑毓英等攻克永北等廳州城。毓英遣將李維運等分攻永北鶴慶鎮南三城克之。十一月。岑毓英等攻克鄧川浪穹兩城。並先後攻拔鳳羽白米莊長邑村鍊鐵橋各回巢。是役提督楊玉科督兵進逼。既克浪穹。乘勝攻鄧川。立下復親擄鳳羽白米莊長邑村鍊鐵橋後各回巢。義創力戰皆拔之。大理北路一律肅清。十二月。岑毓英等攻克竹園回巢。彌勒縣屬之竹園。敵人久據不下。毓英遣張保和攻之。連破上壩下壩各巢。擊退館驛等處援兵。立拔竹園老巢。毓英復親將攻克澂江附近敵營數十。

十年。春二月。岑毓英攻克澂江府城。並收復開化府屬之江那土城。毓英自將圍澂江一年。至是克之。並拔江那等處。夏四月。岑毓英等攻克賓居回巢。收復雲龍州城。並拔茂克各巢。楊玉科等攻拔賓川州屬之賓居各堅巢。雲龍州回目趙炳南遂以州城降。冬十一月。岑毓英等收復臨安府屬之館驛。遵分田心曰者那各回壘。是役毓英督將何秀林張保和等分道圍攻。次第克之。迤東迤南肅清。

十一年。夏四月。岑毓英等攻克永平雲南縣城。二邑密通大理。迤西回衆。恃為犄角。毓英遣楊玉科李維運等攻克永昌府城後。分道進攻。先後克之。並拔曲洞漾濞各敵巢。劉繼昭遣將吳奇忠等越境攻克貴州興義府城。先是回衆佔據興義及新城。久為滇黔兩省邊患。繼昭遣奇忠等會黔軍攻之。遂將興義府城克復。五月。岑毓英等攻克趙州蒙化廳城。並大理之上下兩關。毓英遣楊玉科攻趙州。李維運攻蒙化廳。皆克之。自是長驅大理。沿途擊退敵援。直薄大理城下。冬十月。貴州提督周達武等攻克新城縣城。黔省上游肅清。十二月。岑毓英等克大理杜文秀自

殺全郡肅清大理東臨洱海西倚蒼山自文秀佔據十有八載攻陷五十三城西及四川東及貴州築禁城中外設以土垣城堅且厚提督楊玉科等軍自十一月初旬抵城下穴地道轟陷東南外城率軍士乘缺口衝入敵據土城猶死拒復以地雷破之更增調五千人環攻其禁城文秀勢蹙以子女分寄其大司衛楊榮大經略蔡廷棟家而與妻妾飲盡自盡廷棟昇屍以獻氣息猶屬玉科即拔佩刀剖其首馳送省城時毓英亦至部署撫事城中陽稱乞款而陰設地雷於行館毓英令三日內繳軍械以半年為期毓英悟其詐亦陽許之而密令玉科選死士二百率同知太和縣譚席珍入城受降嚴布重兵城外定期夾擊坑敵萬餘三城並克獲文秀子女杜宗揚賽揚成揚等及其大家宰馬仲山並蔡廷棟等皆磔之大理肅清

十二年春二月岑毓英等攻克順寧府城並錫臘等處回巢大理既復楊玉科等乘勝進逼順寧未至城內敵兵先出分撲大小中山各營會提督段瑞梅師至鏖戰十日連破敵營碉樓三十二玉科統攻錫臘以牽制之既克錫臘瑞梅復將橋頭山等處敵營木壘碉樓八十餘剗削無遺並攻拔鳳山虎山直逼城下圍之玉科至與瑞梅等分攻各門即節掃蕩是月二十五日遂將順寧府城收復夏四月岑毓英等攻克雲州城楊玉科既攻克順寧進圍雲州與總兵蔡標力戰月餘至是克之五月岑毓英等攻克騰越廳城雲南全省肅清自雲州克復毓英督諸將進攻騰越提督和權曾攻克小猛統及烏士寨馬家村各堅巢後會合總兵李維道提督段瑞梅蔣宗漢徐聯魁等軍環攻騰越克之滇回自咸豐五年倡變大理歷時十有九年至是始克底定後雖小有反覆不復能為大害矣

清史紀事本末卷五十六

光緒八繼

德宗光緒元年春正月帝行即位禮於太和殿帝醇親王奕訢子宣宗成皇帝孫也生甫四齡會
穆宗崩慈禧太后利立幼冲以專朝政即日收入宮中以懿旨命承繼文宗顯皇帝為子入承大
統為嗣皇帝時以不為穆宗立嗣實開本朝未有之奇局中外皆有煩言五日前內閣侍讀學士廣
安上疏諫其畧曰大行皇帝冲齡御極蒙兩宮垂慈勵治十有三載天下底定詎意皇嗣未舉一
旦龍取上賓幸賴兩宮擇繼咸宜以皇上繼文宗顯皇帝為子俟嗣皇帝生子即繼大行皇帝為
嗣計之萬全未有過此者惟嘗讀宋史竊有感焉昔太祖遵母后命傳弟而不傳子厥後太宗偶
因趙普一言傳子竟未傳侄是廢母后成命遂起無窮斥駁使當日后以詔命傳成鐵券趙普安
得一言間之我皇上將來生有聖子自必承繼大行皇帝為嗣第恐事久年湮或有以普言引用
請頒立鐵券作奕世良法疏入奉懿旨申飭至是帝即位於太和殿詔赦天下二月嘉順皇后
阿魯特氏薨后為尚書崇綺女端莊謹默動必以禮同治十一年正位中宮後以慧妃一時封敕宜
皇貴妃故遂失歡於慈禧太后穆宗疾篤時慈禧太后訓責備至及穆宗崩帝立后以與前所
草遺詔不符劇悲恸慈禧太后復召后至遂批其胸曰爾既害殺吾子尚思作皇太后耶后跪泣不
已久之始還宮誓以身殉遂不復食旦夕悲啼目盡腫是日一內侍見其狀奏聞慈禧太后曰皇
后如此悲恸即可隨大行皇帝去內侍出未移晷而后崩距穆宗之喪未百日也年僅二十有
二諡曰孝哲三月戊戌朔日食夏四月京師大旱五月工部門神庫失火刑部科房失火

大學士文祥卒。予諡文忠。六月。嚴禁廣東開姓賭局。以剿匪不力。革吉林將軍奕樞職。發往

軍臺。以盛京將軍崇實平燬大東溝沙河子巨匪寨之好。等案。六擒斬首。要奉旨獎勵。秋七

月。永定河南二工漫口。九月。越南匪徒黃崇英等滋事。廣西派兵出境。會剿生擒崇英。冬十

月。懿旨命侍郎翁同龢夏同善授帝師。並命醇親王奕譞妥為照料。命盛京將軍一缺。管理兵

刑兩部。兼管奉天府尹。照各省總督體例加銜。添設臺北府知府等缺。

二年。夏六月。直隸大旱。福建濱海颶風大作。延平府屬大水。省城大火。廣東省北大水。秋

七月。加上兩宮太后徽號。江蘇等省有邪教。紙人剪辮。諭飭地方官查拏嚴辦。

三年。春二月。以訊辦餘杭民人葛品蓮身死一案。始從迴護。革浙江巡撫楊昌濬學政侍郎胡瑞

瀾職。品蓮實病死。縣令劉錫彤與武舉楊乃武有隙。誣其與品蓮之妻畢氏有姦。品蓮為畢氏所

錮殺。逮乃武及畢氏至署。脅以嚴刑。五毒備施。不勝慘楚。皆引服。浙人大譁。合詞控諸都察院。稱

縣令誣陷良民。品蓮實非姦楚。事下瑞澂覆訊。仍照原獄上。浙京官益憤。再疏爭之。詔飭刑部提

訊。既抵部。開棺蒸驗。果無姦業。結乃武及畢氏皆釋放。巡撫學使臬司及歷次承審道府州縣

皆革職降調有差。縣令發黑龍江永戍。夏五月。山西河南大旱。御史溫忠翰奏。有人情洵。洵朝

難保。夕子女則鬻於路。人攘奪或施於里黨。嗚餓者遠連數郡。求食者動聚千人。戶少炊烟。農恒

失業之語。六月。廣東省北大水。連州居民淹斃萬餘。江蘇安徽蝗災。福建湖南廣西亦遭水患。

陝甘亦復苦旱。東據廣輔。並有蝗蝻。蘇浙地方大風。江蘇地震。秋七月。張家口兵房土壩被水。

冲沒。九月。翰林院侍講張佩綸另片奏。風聞禁城東河沿有內監雜引伶人排演各戲。並內

楊造辦處院中有設場聚賭等事請飭嚴禁報聞冬十月大學士沈桂芬與日斯巴尼亞國使臣伊巴里議訂古巴華工條款十六條成三姓地方風雷田廬被淹旗民傷斃甚衆

四年春正月乙丑望月食夏四月臺灣府風災秋七月直隸永定河北六工漫口浙江金華衢嚴三府屬水災武陟縣沁河漫口

五年春正月停止捐輸先將京捐局裁撤各省限於五月悉數截止閏三月吏部主事吳可請在蘇州馬神橋三義廟仰藥自殺遺疏請明降懿旨預定將來大統之歸可讀前在同治朝官御史以言事忿激降調今職入繼事起奮然草疏擬由都察院呈遞繼以降調人員不得越職言事希冀在廷諸臣有所論列既久候而不得知已失望於穆宗梓宮赴山陵時再三面懇本部堂官大學士寶鑒添派隨同行禮至是於大行奉安之後自盡於陵寢之旁以託於古尸諫之義遺疏略謂同治十三年十二月初五日懿旨嗣後皇帝生有皇子即承繼大行皇帝為嗣將來大統之歸未奉有明文必歸之承繼之子故請皇太后再行明白降一諭旨將來大統仍歸承繼大行皇帝嗣子疏入下王大臣議旋王大臣等及尚書徐桐翁同龢潘祖蔭翰林院侍讀學士寶廷黃體芳國子監司業張之洞御史李端棻先後覆奏均以繼統似涉建儲不敢參議乃奉懿旨皇帝將來誕生皇子自能慎選元良繼承統緒其繼大統者為穆宗毅皇帝嗣子皇帝必能善體此意所有吳可讀原奏及王大臣等會議摺並諭旨均另錄一分存毓慶宮夏四月諭四川鹽務改辦官運商銷從督臣丁寶楨奏請也先是寶楨以川省鹽務積弊甚深改歸官運富廠窰戶皆不使之會尚書恩承侍郎重華查事至川因聯署控詞呈訴恩承等據以入告諭令寶楨確查寶楨覆疏

稱。目上年開辦官運局後。本年奏銷核計。邊計各額引。已全數銷清。復帶銷積引一萬餘張。所銷稅羨截燈及各款至一百餘萬兩。商人從前一切無名使費。悉予刪除。民皆貪賤。私易潛踪。實屬商民皆使。被恩承等。又以弊少利多。爭奏乃命戶部酌核具覆。至是戶部覆疏。請飭寶楨妥籌辦理。因諭寶楨將官運商銷各事。悉心區畫。慎始圖終。不可動於浮言。亦不可操之過蹙。蓋中旨寶利寶楨之變法。溫收又不欲顯斥阻撓者。故為調停之詞。山東省嶧縣知縣朱永康以誘殺委員高文保。定為斬監候。初永康強借商民銀兩。迨控經委員高文保查提管帳門下。永康聽從其姪朱寶森之言。誘殺文保。並給銀令寶森等逃逸。由尚書廣壽侍郎錢寶楨往勘。訊明至是定罪。五月。廣東省城水災。陝西甘肅四川地震。縱橫二千里。以吏部右侍郎崇綺為熱河都統。崇綺。教皇后父也。故太后出之時。御史孔憲毅奏稱。碩輔不宜遠離。且引漢汲黯卧治淮陽。而張湯迎宋范仲淹出視西師。而邪說行為言。請收回成命。仍以京秩待用。並請置左右俾資啟沃。廷旨以其冒昧干預不許。六月。刑部奏結四川東鄉縣濫殺案。先是四川署東鄉縣孫定揚議派捐輸。每正銀一兩。加多五百文。人民反抗。開糧定揚遂誣為叛逆。請兵剿洗。提督李有恒等遂妄殺寨民數百。經侍講張佩綸參劾。屢派大員查辦。至是經恩承重華往勘。訊明由刑部議定。定揚有恒均斬監候。復督文格有痛加剿洗之札。與數罪輕縱之總督丁寶楨等。均下部嚴議。翰林院侍講王先謙奏言。路宜防流弊。奉旨嘉納。自帝登極以來。言路如寶廷張之洞張佩綸等。遇事敢言。朝廷亦頗嘉納。至是漸為政府所厭。先謙因承旨進言。旨嘉納之。並諭近來頗有投遞陳奏。逞其私見。率意上陳。必至是非淆亂。漸開攻訐之術。甚至此唱彼和。議論紛騰。亦恐啟黨援之見於風俗。人心大

有關係嗣後不得以雷同附和之詞相率潰陳論下。朝論大譁。旋御史李端茶參先謙為莽言亂政。並請將先謙立予斥革治罪。以為妄逞譏說者戒。廷旨斥其措詞過當。金星畫見雲氣有異。直隸水災。冬十月。廣西巡撫張樹聲奏擒獲李揚才。先是。總兵李揚才前剿越南土匪有功。旋以未奏留廣西。缺望。上年秋間。在廣東原籍靈山縣及欽州等處募勇萬餘。出關據越南者巖等處。詔命提督馮子材統師出關。至是。奏稱於龍登山搜獲楊才。

六年春二月。協辦大學士沈桂芬。戶部尚書景康與德使已蘭德續定條約六款。善後章程九款。成。夏六月。命直隸總督李鴻章為巴西議約全權大臣。直隸旱災。秋八月。允李鴻章奏請於陸路設立電線。直隸水災。冬十月。大學士寶璽署禮部尚書李鴻藻與義使安吉立等續修條約四款。又續補條約四款。成。命醇親王奕譞寶璽管理神機營事務。

七年春三月。慈安太后崩。太后咸豐初年正位中宮。文宗好遊獵。嘗婉言規諫。及垂簾聽政。於用人行政悉以權讓之慈禧太后。不輒發言。獨於太監安得海一案。持之甚堅。飭令普撫丁寶楨就地正法。一時中外交相稱頌。坐是與慈禧積有深嫌。故至晚年益務藉端。年四十有五。諡曰孝節。夏四月。命恭親王奕訢醇親王奕譞會同大學士左右宗室直隸總督李鴻章等與修續補水利。

四川鹽垣縣屬雷雨水雹。水勢陡漲。衝壞民房。約七八百戶。傷斃男女約千餘口。五月。彗星見。東北方。臺灣地震。六月。辛卯朔雨雹。彗星見於北方。甘肅地震。臺灣颶風大雨。溪水陡漲。臺北兩府淹斃人口甚眾。秋七月。江西水災。廬陵吉水太和永豐四縣沖沒田廬淹斃人口無算。閏月。浙江沿海颶風暴起。海嘯。八月。李鴻章與巴西使臣喀拉多訂立條約十七款。

成。冬十一月。殺已革提督李世忠。世忠原名昭壽。為捻渠魁。初合於太平軍。咸豐八年九月。以天長來降。易名兆受。督師勝保留其眾萬七千人。列為隊營。使守滁州。不請餉。令捆鹽自賣。以給軍。賜名世忠。由是擁軍以致巨富。號數百萬。既而自請遣散部卒。交還城地。退出釐手。俾給餉鹽。回原籍。莫親有詔褒許。後有言世忠謀叛者。詔江督曾國藩訪察。國藩遣人至固始。擇世忠所居。則堂上設義塾。竹籬量垣。與鄉農雜居。羣疑乃釋。國藩為之疏於朝。奏請保全末路。及裕祿巡撫安徽。世忠時屬皖中。裕祿觀其富。因下交。約為兄弟。誓生死。藉以通緩急。公私累世忠至數十萬。世忠頗恃勢而驕。遇有請託。裕祿徇拂其意。輒而加請。讓裕祿積忿日久。一日。世忠因事毆辱貢生吳廷鑑等。裕祿訶責之。世忠不服。使氣大罵。裕祿怒。立斬之。乃以世忠怙惡不悛。尤暴恣肆。入奏。

八年夏四月丙辰朔。日食。臺灣地震。福建地震。六月。江蘇地震。翰林院侍讀溫紹棠奏。時局多艱。愍皇太后勵精勤政。奉旨申飭。自慈安太后宴駕後。年餘未嘗視朝。用人行政。積數日始一裁決。故紹棠以為言。廷旨以其冒昧申飭之。山東江西安徽浙江大水。四川叙永洛等屬大雨冰雹。河漲淹斃人口甚眾。並資州所屬火災。秋八月。彗星見於東南。在張翼之間。形如匹練。尾長數丈。直掃西南。日將出時。其光熒熒。幾與爭曜。是年法人始謀越南。該星變者。謂越南在翼軫。而彗所以除舊布新。越其為法所併乎。未三年而越南全國果盡屬於法。九月。臺灣大雨。颶風水災。冬十月。直隸深州等處地震。有聲。廬舍坍塌。人民壓斃無數。直隸深口上游屋律店等處。連開四口。壓城等十餘州縣。皆陷。淹斃人口不可勝計。

九年春正月。車禮部右侍郎賈廷職。賈廷以宗室名翰林。遇事敢言。屢有陳奏。多見採擇施行。然當時朝班不肅。邪枉競正。實繁有徒。賈廷默燭於機。先漸萌退志。七年十月。特摧今職。即疏辭。不許。上年十二月。以典試福建歸。舟抵清江浦。以途中買江山船人女汪氏為妾。上疏自劾。請從重懲。帝益假辭以自乞免耳。奉旨交部嚴議。至是罷官。二月。刑部奏結河南鎮平縣盜案。先是鎮平縣猾胥胡體安。盜魁也。邑中巨宦張育堂家被剽。廉知體安所為。上控司院。巡撫涂宗瀛檄捕之。體安以其妾童王樹文偽為已。俾役執之。去。樹文年甫十五。庭羸弱小。一望而知其非真盜也。縣令馬喬不審真偽。遽馳報大府。草草定案。及樹文臨刑。乃呼寃。監刑官白宗瀛命停刑。下所司覆鞫。樹文自言其父名李福。居鄧州。業農。乃檄鄧州牧朱光第逮李福為驗。未至而宗瀛調撫湖南。以去。河道總督李鶴年。繼據撫任。聞歸陳許道任愷。先為南陽守。嘗獄是獄。飛檄阻光第勿逮李福。光第不聽。竟以李福上。使與樹文質果其子也。愷大惑。知是獄果平反已。且獲重咎。百計編造之。愷固與鶴年有連。鶴年竟從其言。坐樹文以犯風接賊之律。樹文遂為是案正光。而官吏之誤捕。體安之在逃。皆置不問。於是豫人之官御史者。皆大譁。劾鶴年庇愷。廷派河督梅啟照覆審。啟照承鶴年意。竟以樹文為盜從當立斬。獄成。言者爭益力。潘祖蔭時長秋官。乃奏請提部覆訊。且革馬喬職。還入都。郎中趙舒翹研鞫數月。始得實。將其奏。祖蔭入鶴年游說。忽中變。將仍依原狀上。舒翹力爭曰。舒翹一日不去秋臺。此案一日不可動也。方劇爭間。祖蔭忽以父喪去官。繼之者為張之萬。會前承審官大挑知縣張亨。是會試入都。陳牒刑部。述是案始末甚詳。案遂得直。釋樹文歸。成馬喬及知府馬承修極邊。鶴年放職。及臬司陳寶箴以下。承審是獄者。各降調有差。是案首

尾五年始議結而光第已先以他事罷吏議則任愷職鵠年為之也體安反無恙且更姓名充他邑總督馬方三法司會稿時署副憲張佩綸刻晴尾曰長大吏革管人命之風其惠猶淺啟疆臣貌視朝廷之漸其惠實深一時嘆為名言英德吏皆為之側目矣夏五月醇親王奕誼等奏結雲南報銷一案先是八年七月御史陳啟泰揭參太常寺卿周瑞清已攬雲南報銷有該省糧道莊彝與永昌知府潘英章來京賄託關說情事復據御史洪良品給事中鄧承修奏以是案牽涉樞臣景康王文韶均有賂遺鉅萬之風說先後派王大臣查辦至是結案瑞清英章及御史李郁華戶部員外郎福趾主事孫家穆龍耀棟均發軍臺主事莊澄襄周頌均革職尊奏病故仍革職景廉文韶及前戶部尚書董恂侍郎奎潤許應駘崇禮總督劉長佑巡撫杜瑞聯並失察舊吏受賕之工部侍郎翁同龢師曾孫家鼐徐用儀郎中福志榮世傑各罰俸降級有差六月山東兗城等處黃河漫溢畿輔水災極重諭禁在理教京城及直隸等處有在理教以戒人吸烟飲酒為名御史李燧奏請查拿因命查禁秋九月臺廈一帶瀕海風災冬十一月桃園決口御史劉恩溥奏東安門外宗室家開設賭局毆斃人命屍棺久未掩埋飭宗人府會同刑部迅速訊明具奏宗室公載泰因賭博起釁毆死旗民某乙其尸暴露城隅二十餘日無人為收斂官亦不敢過問恩溥乃上言其事略謂載泰託體天家勢焰熏灼某乙何人而敢冒禁往犯威重將毆致死固由自取載泰以天潢貴胄區區殺一平人理勢應寬臣亦不敢干預唯念聖朝怙冒之仁草木鳥獸咸沾恩澤而某乙尸骸暴露日飽烏鴉按以先王澤及枯骨之義似非盛世所宜合無飭下地方官檢視掩埋似亦仁政之一端也此疏詞氣憤懣殊非奏對之體時恩溥知朝局不久有變欲

將微罪以行。卑然疏上未蒙譴責。原摺且發錢。

十年春三月。太后命軍機處遇有緊要事件。著會同醇親王奏議商辦。命貝勒奕劻管理總理各國事務衙門事務。夏四月。廣東順德縣屬風災。直隸獻縣地方水災。五月。命中外大臣保薦人才。令中外大臣將職分應辦之事。盡心講求。切實辦理。六月。江西浮梁等縣大水。浮梁連日大雨。河水陡漲。衝毀城牆衙署民房。淹斃人口。景德鎮被水。衝壞房屋。漂流人口。各數千。鄱陽樂平等縣田畝被淹。山東黃河南北兩岸漫決。歷城齊河等處水災。直隸東明縣境黃河決口。冬十月。添設甘肅新疆巡撫。暨布政使等缺。裁撤烏魯木齊都統等缺。先是督辦新疆事務兵部右侍郎劉錦棠奏設新疆都統。謂左宗棠初議設新疆總督一員。駐烏魯木齊。新疆巡撫一員。駐阿克蘇。將新疆另為一省。臣頗不以為然。新疆與甘肅形同唇齒。若割為兩省。以二十餘州縣孤懸絕域。勢難自存。擬仿江蘇建置大略。添設甘肅巡撫一員。以烏魯木齊為省治。設布政使一員。以鎮建道。加按察使銜。其伊犁將軍無庸總統全疆。移烏魯木齊提督駐喀什葛爾。舊有之參贊辦事領隊各大臣酌量裁撤。疏入下吏部。至是如所議行。即以錦棠為巡撫。調魏光燾為布政使。十一年夏五月。命李鴻章等籌議大治水師。增拓船廠。江南安徽江西水災。廣東廣西大水。六月。御史吳坤綸修築鼎茶均交部嚴議。上年吳坤勛劾。銘目為漢奸。鼎茶勦李鴻章。指為可親。至是以其誣誇大臣。加以懲儆。直隸水災。秋七月。大學士恪靖侯左宗棠卒。贈太傅。予諡文襄。九月。改福建巡撫為臺灣巡撫。駐紮臺灣。福建巡撫事由閩浙總督兼管。尋添設臺灣布政使。冬十一月。雲南地震。山東何王莊趙莊驛溝決口三處。

十二年春二月。慈禧太后率帝謁東陵。閏十二月。還宮。駕至定東陵。行教土禮。孝貞顯皇后陵也。太后閱禮節畢。拈香進酒。須跪拜。大怒。擲之地。命另議。諸臣皆不敢言。禮部尚書廷煦獨奮然曰。此而不爭。國家何用。禮臣為跪。配殿門外大言曰。太后今日至此。兩宮垂簾聽政之禮節。無所用之。惟當依顯皇帝在時儀注行之耳。后聞奏失色。命之起。廷煦對曰。臣待罪禮曹。見太后失禮而不取爭。臣死無以對祖宗。不得請誓不敢起。后不得已。可其奏。卒成禮而歸。三月。山東黃河水勢威漲。章邱濟陽惠民等縣決口多處。李鴻章與法使戈可當等。在天津會議。越南邊界通商章程十九款成。夏五月。陝西臨潼藍田雹災。四川總督丁寶楨。平子。疏文誠。密賴在川多所興舉。復都江故漫。運民田數十萬畝。裁減夫馬。賑濟邊黔。邊官運川鹽。法國家溢收百餘萬。六月。貴州剽隘等處水災。副都統依克唐阿。副都御史吳大澂。與俄員巴拉諾夫等勘定圖們江界牌。秋七月。直隸奉天大水。八月。山西汾河潰溢。命續修大清會典。御史朱一新奏。遇災修省。預防室寺流弊。先是四月間。醇親王奕譞。巡閱北洋海口。太后派總管太監李蓮英隨往。道美河間。無賴子曾以私販硝磺。獲禁後。得脫。改業皮工。人呼為皮硝李。以內監沈蘭玉薦入侍。為總頭房太監。薦擢令職。至是一新因順直水災。奏請修省。並以蓮英隨奕譞。巡閱。恐蹈唐代監軍覆轍為言。后大怒。以奏中有道路譁傳。士庶駭愕。及深雲或別有不得已之苦衷等語。命明白回奏。旋命以主事降補。前湖南提督趙超。卒于謫戍襄。命馮子材辦理瓊州客黎各匪。冬十月。添設臺北道缺。

十三年春二月。命各省整頓保甲。夏五月。奏勅工部侍郎孫毓汶與法公使恭思堂。續議界務。

專約五款。商務專約十款。成。六月。沁河決口。直隸通州等十六州縣大水。前雲貴總督劉長佑卒。子誥武慎。長佑居官廉潔。所得祿賜。悉以恤戰士。統兵三十年。未嘗諗將佐。諸將亦嚴慄之。秋八月。黃河南岸鄭州下汛十堡決口。河南下游被水者十五州縣。待賑者百九十萬人。九月。允戶部奏請開郵工捐例。冬十月。英助孫毓汶與蒲旬才使羅沙。議中滿約五十四款。及專款三條。成。十二月。雲南地震。

十四年。春正月。添置甘肅新疆伊塔道缺。二月。以重修清漪園。改為頤和園。工程告竣。諭擇於四月初十日。奉皇太后臨幸駐蹕。三月。江蘇地震。夏四月。京師雨雹。五月。京師奉天山東地震。六月。京師雨雹。秋七月。永定河隄工漫口。十二月。太和門災。貞度門失火。延統太和門及庫房等處。因太和門災。命停止頤和園工程。

十五年。春正月。立赫葉那拉氏為后。他他拉氏為瑾嬪。他他拉氏為珍嬪。后為太后。弟副都統桂祥之女。瑾嬪珍嬪。為原任侍郎長叙之女。二月。帝親政。自是帝雖有親裁大政之名。而實無主權。一切用人行政。仍為太后所主持也。太后懿旨。宣示醇親王奕譞。擇杜妄論原奏。先是光緒元年正月初八日。奕譞奏稱。歷代雖號之君。推崇本生父母者。以宋孝宗不改子稱。考王之封為至當。慮皇帝親政後。食壬倖進。援引治平嘉靖之說。肆其奸邪。陳具封章。請俟親政時。宣示天下。俾千秋萬載。勿再更張等語。至是。河東河道總督吳大澂奏請飭議。尊崇醇親王典禮。奉太后懿旨。茲當歸政伊始。吳大澂果有此奏。若不將醇親王原奏及時宣示。則彼此邪說競進。妄希議禮。梯榮具惠。何堪設想。用特明白曉諭。並將醇親王原摺發鈔。俾中外臣民知之。以大婚禮成上。

太后徽號。三月。以歸政禮成。上太后徽號。帝侍太后幸頤和園。閱視神機營水陸操。太后居西苑時。設市肆於北海承光殿側。羅列百貨。店主皆以宦者為之。朝臣爭入市購買。太后時親往問候。至是。頤和園落成。帝親侍太后游覽。復嘗駐蹕其中。新於萬壽山之巔。新建佛香閣。俯臨排雲殿。矗立雲表。松槐夾峙。千步廊。由玉瀾堂樂壽堂迤邐而西。達殿門外。復設有彤陽。琢石而成。在仁壽殿之西。南與萬壽山相對。舊名寶蓮軌。亦名石舫。復於昆明湖中。置小輪舟二艘。又於園外東南隅。設電汽房。專司園中電燈。太后在園中。日夕以聽戲為樂。嘗年妃嬪福晉太監等。乘小艇於湖中。無像。用漁家服。有時著古漢裝。太后扮觀音。餘扮龍女。善男童子等。手蓮葉。扮草狀。旁置其攝影流傳外間。亦不之禁。夏六月。雲貴總督岑毓英。奏。十餘歲幼童。被英官漢二十餘年。思信感人。深父老兄重。皆稱我老宮保云。秋八月。安徽巡撫陳彝奏。陳因利局章程。請通飭各省仿行。不許。奏疏稱。鹽鐵立局。借給貧民。限日還本。不復取息。廷旨。以其章程煩瑣。恐妨擾民。著不准行。天壇祈年殿災。壇在正陽門外左側。北門外為祈年殿。復為皇極殿。齋宮在殿之東南。是月二十四日申刻。雷雨交作。霹靂一聲。直擊祈年殿。殿額碎墮。陡然火起。至戌刻。全殿悉為灰燼。數十里內。光同白晝。香氣初發。蓋其棟樑。以香楠為之。乃明永樂時所建也。火勢至天明乃熄。江蘇浙江湖北大水。是年。蘇浙鄂諸省。本皆大稔。迨祈年殿火災。日各省亦於是日始。連大雨。歷四旬餘。乃霽。冬十月。命各省藩臬陳幕事件。命葉華差徭諸獎。命各省將吏應善後。採辦轉運等局。州減歸併。勦限三個月。開單奏報。命各省將軍督撫嚴緝盜賊。訪拏盜棍。十六年春三月。裁福建船政大臣。以總督兼管。瞻對番目。撤拉雅珠與巴宗刺麻。勾結野番。滋

事成都將軍岐元等違制將徐勝魁等討平之。見四月。前兵部尚書彭玉麟卒。予謚剛直。玉麟剛介絕俗。治軍時。遇部下若布衣昆弟。而紀律極嚴。巡閱長江水師十餘年。共勦罷營哨官百八十二人。江湖肅然。將佐畏服。地方有司亦望風震懾。民間請不軌之徒作奸犯科。悉不畏法者。輒相警曰。彭打鐵來矣。言其執法嚴峻也。吉林省城火災。延燒官民房舍千五百餘間。六月。直隸水災。永定河工漫口。秋八月。前陝甘總督楊岳斌卒。予謚曰勇愬。岳斌治水師。功高與彭玉麟等。軍中稱彭楊法越事起。岳斌奉詔入關。督辦軍務。和議成。還籍。至是卒於家。九月。御史吳光泰奏請停止頤和園工程。命交部嚴議。光泰疏中略稱。現值饑歉水災。河決未塞。及工程未停。有累聖明等語。廷旨以其於朝廷孝養之心。全未體會。實屬冒昧。已極。予嚴譴。冬十月。兩江總督一等侯爵伯曾國荃卒。予謚忠襄。十一月。帝本生父醇親王奕譞薨。帝詣邸成服。行禮。旋奉懿旨。定稱號曰皇帝本生考。諡曰賢。子鎮國公載灃即日承襲王爵。黃河晉封不入八分鎮國公。載灃晉封不入八分輔國公。帝持服期年。御編素十一月。報朝十一日。期年內。御使殿時。用素服。十七年。春正月。刑部尚書貴恆等奏。金履已革。福建軍府知府蔣斯岱呈控被參冤抑。並劣員營謀著缺案。先是斯岱以考者開缺。已裁建寧廣局委員知府蔣玉璠。親親署任。勾總兵沈茂勝為子於營務處道員劉麒祥。又知前局中司事秦鼎。為督署幕友。舉人王濟光感屬。因並託以干濟光領事。雖面諾之。而心憚濟光清正。未敢發。及玉璠委署建寧府缺。麒祥遽發電覆蔣請。梁事已成。尚須加銀三百。麒祥客某。復私電蔣勝。索玉璠金。無亦以函賀玉璠。且自炫其乘此染指事。為斯岱所聞。乃具稟請覈交督。玉璠因揚斯岱抗明。總督楊昌濬知奏革斯岱職。斯岱尋復抄得。

麒麟等電。嚴邊控玉瑜行賄。詞連蕭並。隱侵濟光。昌濬疏請派員會審。廷旨仍令自行提訊。案未結而昌濬移督陝甘。以去斯僑乃國指昌濬受賄。麒麟與茂勝通仲史具呈都察院。朝命貴恆及左副都御史沈源深赴閩查辦。值濟光病故。遂悉舉金案關鍵以坐之。証稱濟光致富茂勝。詐玉瑜賄金三百。於督署辦事後。收受復稱濟光原書已失。請免驗獄。獄上濟光舉舉人。以身故得先議。玉瑜茂勝先已革職。至是均遣戍。昌濬生失察降級。蕭等杖罰有差。而麒麟電據確鑿。督案中主要竟曲為脫之。反得不坐。後始以他事革職。四川會理州民黃子榮等糾眾滋事。攻陷雲南富民。祿勸二縣城。總督王文韶遣兵剿平之。夏四月。雲嚴蕪湖江蘇丹陽湖北武穴等處教堂。相繼為匪徒焚燬。命各督撫嚴拿訊辦。六月。命查哥老會。山西大旱。秋七月。山東巡撫張曜卒于途。勅果初咸豐八年春。河南捻國固始時。曜為國始民團長。與縣令劉某協城守。夜以壯士三百出城襲破敵營。會科爾沁親王僧格林沁率師來援。見曜一人於火光中。往來搏戰甚力。嘆曰。壯士也。立召見。大奇之。由縣丞奏保。知縣並賜勇號。令從軍征討。後捻頻擾國始。百姓謳思。曜謂張公來難可少紓。於是大府檄曜。惟國始游攬河南布政使。御史劉毓麟查案河南。索賂遺不至。乃勅曜目不識丁。改總兵。及左宗棠督師新疆。奏以曜領兵。積功至廣東提督。新疆平。宗棠為奏復文職。授廣西巡撫。未至任。命赴清涼寺。護城河。又命查勘山東黃河。遂調山東巡撫。在東省七年。築河堤。修道路。開厥局。積製造。凡有益於官民者。莫不具舉。至是卒。所部嵩武軍改歸李鴻章節制。調遣八月。命刊發勸善書。致仕大學士寶琳卒。于文靖。新疆溫宿州兩電。鎮西嚴大水。冬十月。直隸遼外熱河等處金丹道教首楊悅春等作亂。竄擾蒙古。並陷朝陽等州縣。經奉直兩省會

師劉平。雲南鎮邊地方新附保人滋事官軍劉平之。十二月貴州下江廳苗人滋事旋為官軍劉平。匪首李國珍在放罕滋事分掠東翁牛特各旗踞烏丹城北大寺直隸官軍劉平之。

十八年春三月前大學士閻敬銘卒予諡文介。敬銘狀貌短小二目一高一低入翰林改官戶部湖北巡撫胡林翼奏調總辦東征糧臺疏中有間敬銘氣貌不麗而心雄萬夫之語太后初亦敬其德望在宮中語及常以字而不名既授大學士以太后與修三海敬銘新不予款頓失慈眷屢遭詰責引疾家居四年至是以道疏忤太后意即禮部議僅賜太子少保銜以一品大臣飾終之典予二品官階二百年間一人而已時禮臣以賜諡諱幾新不與戶部侍郎張蔭桓為力言於帝乃得諡。夏六月京師蝗飛蔽天江蘇安徽山西蝗蝻偏地閏月永定河堤工漫口華山西巡撫阿達春職先是左副都御史徐致祥奏新授山西巡撫阿克達春貪婪帝責其既有所聞應即隨時具奏御史余聯琬又奏阿克達春在安徽藩司任內劣蹟昭著及不通文理命兩江總督劉坤一查辦尋阿達春召見於詢問事件奏對未明晰命開缺至是劉坤一覆奏所參皆實遂革職。秋七月山東惠民等處隄埝漫溢定稿毀電報桿緣罪。冬十月諭禁各省州縣濫用

非刑

十九年夏五月貴州普安直隸廳妖匪劉興飛滋事旋官軍劉平之。六月永定河堤工漫口。秋七月四川打箭爐屬地震惠遠廟一座剝麻寺七座漢夷民房八百零四戶皆震壓斃剝麻七十。四漢夷兵民百三十七傷者七十。八月豁免海禁從出使大臣薛福成奏請也。十一月新疆庫車廳地震。

二十年春正月命河東河道總督許振綱會同李鴻章籌辦永定河工 越南游匪竄擾滇邊都
章等處經官軍擊逐 二月駐美使臣楊儒與美外部續定華工條約六款成 三月戊寅朔日
食 添設湖南南洲直隸廳從巡撫吳大澂奏請也 湖南邵縣會匪鄧世恩等擾亂江西攻永寧
縣城為官軍剿平 京師南城外陶然亭畔黃潭中有怪聲如牛鳴時市井人妄列圖說名之曰大
老妖謂其物專噬洋人有識者皆哂之 步軍統領福銀調兵窮搜卒莫得端倪內務府至召僧道
設壇誦經以禳之數月後始寂然 夏四月直隸永平遵化府屬大風雨數晝夜廬舍民田淹
沒 雲南永平廳匪首丁洪貴等焚獲川滇邊境為兩省官軍剿逐 秋七月江蘇上海縣城內
外地生毛黑若猪鬃 直隸雲南天津大水 前甘肅新疆巡撫劉錦棠卒于謫戾動 八月從
戶部奏議令各省息借高款以充軍需時方與日本開戰也 以太后六旬萬壽上徽號 太后
命六旬慶辰典禮仍在宮中舉行其國和國受賀事宜即行停辦先是議定十月初十日太后萬
壽揀康乾間成例踵事增華帝率中外臣工詣萬壽山行慶賀禮於是各省疆吏派員祝嘏自順
和圓至西苑沿途分段點綴景物建設經壇至是因中日戰事中國海陸軍屢敗廷臣交章諫諍
乃命停辦園內點景至日仍於排雲殿受賀 冬十月降壇貴妃珍貴妃皆為貴人二妃皆能詩
珍貴妃兼通政術故帝尤寵之時有編修文廷式者二妃之師也以大考一等第一權侍講學士
(自七品擢升四品)太后疑帝以二妃故進之也至是奉懿旨以瑾妃珍妃近來習尚浮華屢有
乞議均革去妃號降為貴人(自二級降至五級)且命褫衣廷杖並誦妃兄志銳於烏里雅蘇臺
廷式以託病出京僅免於罪 十二月革御史安維峻職逮戍張家口維峻疏參李鴻章詞連李

達英並謂皇太后既歸政皇上若仍遇事牽制將何以對祖宗天下至今達英是何人斯敢干政事如律以祖宗法制李達英豈復可容廷旨以其肆口妄言命革職遣戍雖岷發遣時都中謠傳達英惡之甚將欲得而甘心有幽燕大俠大刀王五者（名正諱）聞之踵門求見曰此去途中多暴客非小人為衛必不免因護之往車駭資皆其所出

二十一年夏五月奏勅侍郎徐用儀與法國結議商務專條附章成 湖北大水 閏月命中外

大臣保薦人才 命各省將軍督撫就本省情形將募餉練兵卹商惠工各節妥籌辦法限一月內覆奏 新疆地震 六月福建古田縣民殺英國牧士數人命嚴鞫首犯並諭地方官實力保

護教堂 命閩廣督撫派員赴南洋各島暨新舊金山招徠僑商承辦各省船械機器等局 秋

七月廣東福建地震 京師疫 八月曉對番官對堆尊吉等滋事 革四川總督劉秉璋職時

各省教案迭起外人要求懲辦官吏是年五月四川省城有打毀教堂及省外各處疊出教案故有是譴 冬十月軍吏部右侍郎汪鳴鑾戶部右侍郎長麟職先是長麟於入對時以帝名雖親

政實則受制於太后請帝獨攬大權曰太后於穆宗則為生母於皇上則為先帝之遺妻耳天子無以妻為母者鳴鑾時同召見亦以其言為然後此語浸聞於太后時太后與帝日益猜忌至是

大怒帝不得已乃降諭以二人上年召對時屢次信口妄言跡近離間命均革職永不叙用

二十二年春正月設官書局於京師先是康有為等擬設強學書局講求時務為御史楊崇伊奏請封禁故御史胡孚宸奏請將強學書局改歸官辦至是經總理各國事務衙門奏准設立 二月

前臺灣巡撫一等男蔣劉銘傳卒于謫壯庸 設立郵政 設太監寇連材連材直隸昌平州人

初入宮為太后梳頭房太監。甚見親愛。凡宮內會計。皆使掌之。已而為奏事處太監。一年餘。復為太后會計房太監。時以太后復專政柄。杖二妃。逐朝臣。善志廢立。日逼帝為摘博之戲。及吸食鴉片。而別令太監李蓮英及內務府人員在外延布散流言。稱帝之失德。又將大興土木。修圓明園。連材大憂之。是月初十日晨起。流涕長跪太后榻前曰。國危至此。老佛爺（宮內人稱帝為佛爺。太后則加稱老佛爺）即不為祖宗天下計。獨不自為計乎。何忍更縱游樂。生內變也。太后以為狂叱之。去連材乃乞假五日。歸訣其父母兄弟。出其所記內廷事一冊。授其弱弟。記事中最要者。一太后驕侈淫佚。絕不以帝為念。后亦因二妃故。與帝不睦。故帝伶仃異常。一帝每日御膳具饌。羅列數十品。然離御座稍遠之饌。半已具腐。故帝每食不飽。有時偶欲易一饌品。太后輒以儉德責之。一太后待帝。每日訶斥之聲不絕。稍不遂意。常加鞭撻。或罰令長跪。故帝見太后如針刺。虎膽為之破。至今每聞鐘鼓聲。必唱聲。當聲。輒變色。一帝每至太后前長跪請安。不命之起。不敢起。甲午六月。高麗軍事既起。帝請停頤和園工程。以充軍費。太后大怒。自是至乙未九月間。凡十餘月。不與帝交一言。每日必跪至兩點鐘之久。始命之起。連材既還宮。至十五日。乃上摺凡十條。一請太后勿攪政權。二請勿修圓明園。以幽皇帝。餘皆人所不敢出口之言。太后閱之。怒召而責之曰。本朝成例。內監有言事者。斬。汝知之乎。曰。知之。奴才若懼死。則不上摺也。於是命囚之於內務府慎刑司。十七日。移交刑部命斬。臨刑。着衣冠。望闕九拜。乃就。是時編修宋育仁在京師。聞耗大哭曰。清亡無日矣。余不思見銅駝卧荆棘中也。素官錄。時同挂冠者。尚有六人。皆一時知名士也。京中有作者七人之嘆。 韋翰林院侍讀學士文廷式。感帝知遇。忠憤盡言。致觸太后之忌。冠

連材既被難。同時梳頭房太監王四。以附帝故。發往軍臺。人有聞海者。號古庭帝之內侍。奉為首。生甚忠於帝。亦發往五古塔。後殺之。於是楊崇伊布太后旨。幼廷式遇事生風。常在松筠庵廣集同類。聯名入奏。並有與太監文海結為兄弟情事。即古廷也。崇伊蓋誤以聞為文云。故殺連材之次日。遂有驅逐廷式出都之事。松筠庵在內城之宣武門外。中祀明賢楊椒山。曾三疏揭嚴高罪狀者。誅垣中人。凡有所論奏。皆於庵內召集同官。聯名上疏。蓋有所矜式也。戶部衙門。夏五月。帝生母醇親王福晉赫葉那拉氏薨。因山東曹軍一帶乃匪肆擾。命江南山東督撫連即剿除。六月。勝對衛官帶兵出塞滋事。四川官軍擊退之。永定河堤工漫口。戶部侍郎張蔭桓與日本使臣林董。定通商行船章程二十九款。成。秋七月。甲午朔。日食。西寧回首劉四伏。竄至羅布淖爾之和兒昂。新疆官軍討擒之。以四川松潘番子亂事。一律肅清。不總兵夏敏秀。樊叔有差。九月。督辦軍務處王大臣與俄國使臣貴口訂新約十二條。成。冬十月。四川巡撫鹿傳霖攻克上中下三縣。全境一律歸順。十二月。江西福建地震。

二十三年。春三月。貝勒載澍忤太后旨。命革去貝勒。交宗人府重責八十板。於空室永遠監禁。載澍為字敬郡王子。初。穆宗疾革時。遺詔欲以載澍入繼大統。故太后深嫉之。其妻乃太后之姪女。載澍有妾生子。始殺之。為載澍所詰責。憤而訴於太后。子郎之福晉因入宮謝。太后遽下詔。謂載澍平日不孝於母。今經其母入宮面奏。若不從嚴懲辦。殊乖孝治之意。遂復嚴譴。詔下後。福晉嘗於地載澍在獄。每日僅許進一飯。嚴冬。僅一袴蔽體。惟一老獄卒憐其為皇孫。日則煖爐烘之。夜則擁之以卧而已。夏四月。江西大水。五月。鹿傳霖討擒德爾格忒一名疊蓋。小土司昂翁。

降白仁青母子。囚之。走土司頭目人等。獻地歸誠。命改流設官。前大學士張之萬。卒。予諡文達。
秋七月。協辦大學士李鴻藻。卒。予諡文正。冬十二月。諭各省實力保護教堂。命各部院堂
官。當常川巡察辦事。

二十四年春正月乙酉朔日食。設經濟特科。從貴州學政嚴修奏請也。特科教以六事。曰內政。
曰外交。曰理財。曰經武。曰格物。曰技藝。由三品以上京官及督撫學政各舉所知。咨送總署。會同
禮部奏請。試以策論。名曰經濟特科。頒發昭信股票。詹事府右中允黃思永奏請籌借華款。還
自強股票。名曰昭信股票。以五釐行息。分二十年本利還訖。戶部議印造股票一百萬張。命京外
王公將軍督撫及大小文武官員均領票繳銀。以為商民倡。命開辦京師大學堂。命副後武科
改試鎗礮。三月。諭各省裁撤各局。整頓保甲。嚴截空糧。又勸辦常平倉。皆從尚書剛毅奏請也。
閏月。德國親王亨利親見。夏四月。江蘇淮徐海州各屬大水。恭親王奏訪。予諡曰忠。
命配享太廟。命各省將所有大小書院一律改為學堂。命各省保舉使才。

清史紀事本末卷五十七

平定新疆及收回伊犁條約

德宗光緒元年春三月命大學士陝甘總督左宗棠督辦新疆軍務初同治元年六月陝西回民滋事圍攻省城並擾同州蒲城命皖豫督師勝保移軍往討十月勝保復軍述京賜自盡以荊州將軍多隆阿代之至二年二月甘肅回民攻陷固原平涼軍夏靈州五月西安花寺回民勾結撤納番人即犯罕羌人一攻撲丹噶爾城戒備一帶騷然及多隆阿提兵入陝驅剿陝回幾盡將移討甘回以整度未破親督軍攻下之多隆阿受傷致卒西安將軍都興阿繼起視師副以提督雷正綰五月正綰會提督陶茂林軍攻克平涼滇回藍二順襲犯西安省城副都統穆圖善會同巡撫劉蓉等撲滅之時浩罕為俄羅斯所滅其副都胖色提(譯言管官)阿古柏收餘眾保安集延適布魯特苗思的克等滋擾新疆喀什噶爾南路回民金相印迎阿古柏出山攻陷喀城據之次弟侵奪南八城阿古柏遂自稱帕夏(譯言王也)提督葉布沙爾率師討之敗績六月潰兵歸至烏魯木齊參將索煥章脅之反據漢城推陝回阿澤(譯言師長)安得璘為主稱清真王煥章手刃提督進圍滿城陷之都統平瑞闔門死哈密吐魯番呼圖壁庫爾喀喇烏蘇相繼失陷事聞後常清賊授明結伊犁將軍以保恒署烏魯木齊都統命穆圖善率師出關四年五月肅州回民佔據嘉峪關並陷州城五年正月安集延攻陷伊犁九城塔爾巴哈臺回民復起找參贊錫霖武隆阿等據城守命西安將軍庫克吉泰督師新疆北路塔爾巴哈臺參贊德興阿副之八月罷總督楊岳斌以宗室代之並督陝甘軍時西捻數萬擾秦中陝回甘回數十起衆至百萬橫行腹地兩省

幾無完土。宗棠上議進兵陝西。必先清關外。進兵甘肅。必先清陝西。駐兵蘭州。必先清各路。然後
餉路常通。師行無桎。又定計先擒後回。及七年。西捻既平。宗棠七月入覲。詢西陲師期。對以五年
奏結。十月。還西安。定三路平回之策。令提督劉松山由綏德取花馬池。直搗金積堡。老巢為北路。
道員周開錫由秦趨鞏。討鞏昌河狄之回。為南路。而自興署撫。劉典督諸軍。盡驅陝回入甘。為中
路。遂破回巢數百。十二月。松山收撫鎮靖堡。至靖邊縣土匪董福祥之父。世有乞降。旋福祥亦降。
八年二月。雷正綰會道員黃鼎。攻援董志原老巢。四月。陝西平。進兵甘肅。諸路迭戰。皆捷。八月。松
山克靈州。九年正月。攻金積堡之馬五寨。松山陣亡。宗棠以其兄子錦棠代統其軍。東自吳忠。至
靈州。堡寨四百五十餘。西自洪樂至峽口。堡寨百二十餘。盡平。十一月。克金積堡。擒馬五馬餘於
是。回酋馬化龍自投。乞撫。宗棠命並其父耀邦磔之。十年三月。著將軍金順提督張曜。平寧夏。十
一年二月。收河州。三月。循化。撤納番人歸誠。十一月。錦棠克西寧。大通。俘馬壽。十二年九月。宗棠
督提督徐占彪等。軍攻克肅州。磔悍酋馬文祿等。關內肅清。惟白彥虎逸出關外。提督張曜。宗棠大
學士。仍留總督任。而以烏魯木齊都統景廉督軍新疆。金順副之。至是。召景廉來京。命宗棠代之。
仍副以金順。旋任金順為烏魯木齊都統。

二年春正月。因出關餉需。宗棠迫先左宗棠借洋款一十萬兩。先是以東南海防為急。有議棄關外
地者。宗棠力持不可。然軍食奇絀。各省協餉不繼。前後至借洋商民商一千數百萬兩。隨時以協款
抽償。經營一載。士飽馬騰。諸軍遂次第出關。秋七月。三品卿銜西寧道劉錦棠收復烏魯木齊。
新疆北路略定。督師左宗棠駐軍肅州。今諸軍抵安西後。分道遞進。漢中鎮譚上連為前鋒。寧夏

鎮據後卒繼之。陝安鎮余虎恩文繼之。皆聽錦棠節度。四月錦棠出嘉峪關。閏五月次巴里坤。進駐古城。時回酋馬人得據烏魯木齊。白彥虎據紅廟子。土回馬明據古牧地。錦棠以阜康當敵衝。距古牧才百里。宜先據之。乃輕騎赴濟木薩。約金順移屯阜康城。自屯城東之九營街。增調徐占彪。接防巴里坤。張曜軍助屯哈密。以厚哈吐之防。彥虎聞之。自紅廟移據古牧。安集延遣驍回助之。六月錦棠圍古牧。阿古柏遣將阿託。賁率騎未接。錦棠令余虎恩馬隊擊敗之。遣步軍分攻山臺。南關皆下。阿託愛素馬遁。錦棠復以開花礮攻城。克之。守兵六千。馱馬超抵烏垣城。東安集延土回。頭皆宵遁。遂收復烏魯木齊。迪化州及其王城。王城安得璘據烏魯時所築也。錦棠遣諸將分追至鹽池。阻戈壁而進。於是昌吉呼圖壁瑪納斯北城守兵皆遁。阿古柏所遣援兵五千至達坂。聞敗不敢進。新疆北路皆平。惟瑪納斯南城未下。九月金順等攻克瑪納斯南城。北路既清。宗棠微全順攻瑪納斯南城。久不下。咨湘軍助剿。時錦棠駐軍烏垣。遣道員羅長佑與總兵譚拔萃貴萬鵬董福祥等十一營赴之。至是會攻瑪納斯南城。克之。擒安得璘屍骸。之俘其元帥海玉馬受馬有才等。並其俘黨數馬。

三年春三月。劉錦棠張曜等攻克達坂。吐魯番託克遜三城。先是阿古柏據託克遜。築三城自衛。託克遜者。噶孫營也。北守達坂。拒錦棠烏垣。南守吐魯番。拒張曜哈密。白彥虎于小虎據南山。小東溝。錦棠趨小東溝。彥虎等先期走金口峽。錦棠復追及之。彥虎小虎併入託克遜。瑪納斯南城既克。自復大雪封山。諸軍不能踰嶺而南。阿古柏等乘暇移達坂新城兩山間。以大通哈（譯音大總管）愛伊德爾叶里守之。吐魯番故有滿漢兩城。阿古柏次于海古拉。入日役萬夫造王府。

規模雄闊。上年冬。阿古柏令彥虎與馬人得守吐魯番。海古拉守託克遜。愛伊德爾呼里守達坂。自居喀喇沙爾。為中樞策應。至是。永解。錦棠自烏垣攻達坂。張曜自哈密西進。先遣提督孫金彪與徐占彪會師鹽池。趙吐魯番。錦棠抵達坂城內。引湖水衝城。泥深及馬腹。提督余虎恩陶生林副將夏辛酉等馬隊掠過深潭。到城左山岡。提督譚上達譚和義戴宏勝等馬隊列城後山阿。將總兵左偉等馬隊。承其前鋒。敵人方卧未覺也。天明霧收。城中望見大驚。發西洋槍礮下擊。自卯至午。不絕。圍師少傷亡。屹立不為動。錦棠策馬周覽城濠。坐時中鎗路易馬而前。令各營築壘。掘濠以困之。復修城東築礮臺。敵騎番進赴援。皆敗。總兵侯名貴并開花礮三具。礮臺連環轟擊。城中人馬碎裂。奪聲門走。諸軍逼之不得出。錦棠使人呼曰。縛其裝者有賞。於是大小頭目自愛伊德爾呼里以下。肝色提六人。王子巴什（譯言哨官）六人。及管理執事什長之類。悉致麾下。無一脫者。遂克達坂城。進駐白楊河。聞高武軍（張曜所部）已至吐魯番。遣離長佑往會戰。彥虎遁去。人得詣高武軍降。遂收復吐魯番。滿漢兩城。錦棠急馳百里。抵託克遜。海古拉亦先遁。纏回二萬餘皆降。錦棠遂入城。於是託克遜三城皆下。夏四月。阿古柏自殺。自吐魯番告克。南入城門戶洞開。阿古柏在庫爾勒。日夜憂泣。不知所為。白彥虎益掠人畜。焚村堡。脅纏回同奔。纏回皆怨。阿古柏又遇纏回處。達坂歸之衆數千。強半為阿古柏所戮。餘悉禁錮之。怨毒中人深。人人思報復之。阿古柏知人心已去。遂飲藥死。海古拉淹其屍水中三日。始出。裹香牛皮舁之。西行將達庫車。伯克胡里使使截之半途。殺海古拉。安集延所呼小帕夏也。阿古柏據託克遜。後羣下尊為畢訓勒特汗。有子四人。長咬哥。即伯克胡里。克庫車伯克。非所愛。次咬都魯股魯。即海古拉。有寵。

於阿古柏。欽立之。次引上胡里克。阿克蘇伯克。次邁底胡里克。吐魯番伯克。海古拉。既死。伯克胡里保南境。而至其下。稱新帕夏。庫爾勒諸回。推彥虎為守。彥虎駐開都河西岸。觀入俄羅斯。秋九月。劉錦棠復新疆南路東四城。是年七月。錦棠先遣提督湯仁和等。自托克遜進兵。總兵董福祥。張俊等。自阿哈布拉沿途置哨。墨張春發。繼之。自由間道趨進。期會師西惠。八月。諸軍集曲惠。提督余虎恩。出庫爾勒之背。錦棠趨開都河。彥虎壅河水。溢百餘里。以逼之。錦棠率馬步統渾行。離地紆折。達開都河東。彥虎先期走庫車。遂於是月朔。收復喀什沙爾城。虎恩收復庫爾勒城。錦棠躡敵至庫車。彥虎遁。遂復庫車。九月。至拜城。回目賈貴。提託呼達等。出降。錦棠留總兵方友升鎮撫。而自履冰夜行。趨銅廠。與敵遇。敵列陣河岸。拒戰。錦棠親鼓之。敵騎皆靡。積屍塞河。水為之不流。復促所部亂流而渡。至上銅廠。敵分兩路迎拒。錦棠亦張兩翼擊之。副將夏辛酉。總兵張宗本。提督譚慎典。以馬隊衝其右。提督席大成。戴宏勝。賀長發。以步隊繼之。提督黃萬鵬。總兵崔偉。畢大才。副將為益。長為中海。李金良。游擊馬殿林。以馬隊衝其左。總兵張俊。胡登花。以步隊繼之。而自率馬隊親兵。居中調度。及戰。馬步併力夾擊。敵兩路皆潰。擒斬無算。遂引軍西渡戈壁。馳薄阿克蘇。守城回目率回民十餘萬。迎降。遂復阿克蘇。既值知安集延各酋。走葉爾羌。彥虎走烏什。諸軍趨烏什。攻克之。遂復烏什。彥虎遁。黑利里斯（厄魯特種）追至阿他伯什。阻戈壁而返。是役。一月中。軍行三千餘里。下南疆東四城。兵威大震。遠人懾服。冬十一月。三品京卿劉錦棠。克復南路西四城。南路東四城。既復。阿古柏長子新帕夏。伯克胡里。據喀什噶爾。猶保西三城。而和闐伯克。克牙斯圖。反正。乘隙圍葉爾羌。伯克胡里引兵擊賊之。遂據和闐。而喀什噶爾滿漢兵弁守城者。

使使達錦堂軍。安酋阿里達什保回城以攻漢城。約白彥虎來助。伯克胡里乃棄和闐走英吉沙爾。併入回城。是月錦堂分三路進軍。余虎恩督黃萬鵬及總兵桂錫楨等軍。逼喀城。伯克胡里阿里達什及彥虎分路遁入俄羅斯。遂克喀城。斬其元帥王元林。副元帥白彥龍。生擒陝回于小虎。及其元帥馬元旋。錦堂收復葉爾羌。英吉沙爾。董福祥亦復和闐。於是南疆西四城皆下。俘故帕夏阿古柏妻妾及其子引上胡里邁底胡里並兩少子二女三孫。誅之于小虎。馬元及迎阿古柏入喀之金相印父子。誅於市。誅悍黨千百六十人。新疆悉平。是役不及一月。連復四城。廓清二千數百里。提調晉宗棠二等侯。錦堂二等男。其餘諸將給獎有差。

四年冬十月。通政使劉錦棠大破安集延布魯特於玉都巴什。安酋阿里達什自俄境糾布魯阿布都勒哈瑪。出余曼謀襲喀什噶爾。錦棠親擊於玉都巴什。大破之。余曼回目庫爾什設伏殺阿里達什以獻。阿布都勒哈瑪走投俄屬那來地方。

五年春正月。劉錦棠大破布魯特安集延於烏帕爾。阿布都勒哈瑪入俄後。復糾居留俄境之安酋愛克木汗條勒及阿希木汗條勒。咬買提和卓（二人兄弟為張格爾弟玉素普之孫）於上年十二月。再謀內犯。盡脅布魯特克各回部。稱為阿古柏復仇。是月已至烏帕爾近邊。錦棠聞警。定四面兜剿之策。遣方友升進烏帕爾。譚慎典進玉都巴什。張俊胡登花石驢玉進烏魯阿提。董福祥張宗本督同總兵田九福。夏辛酉進無胡素魯克。而自率羅長佑等向博斯塘特勒克邁進。徑搗敵巢。比至敵大隊已趨烏帕爾。龍營提督段柏漢張復良李雲熙參將劉必勝外委何俊分三路抄擊。大破之。敵軍折回博斯塘特勒克。錦棠督軍迎擊谷口。湯彥和張春發等設伏谷中。及戰。

長佑將中。友升將左。楊金龍將右。分三路衝入敵陣。敵敗不支。分為二股。一衝谷口。其歸巢伏起。大股盡殲。一由谷外西走。長佑等追至卡拉阿爾提。愛克木汗條勒。阿布都勒哈瑪。已出黑子里。達坂還阿來俄境矣。其在烏魯阿提等處者。為諸軍擒斬淨盡。綜計是役。陣斬阿布木汗條勒。咬買提和卓。回酋賈貴提。及斯拉木三人。又安兵七百有奇。布兵千四百有奇。擒斬腓色提十有七。王子巴什六十有奇。生俘及奪獲猶無數。提奏入京。頒賜錦棠上方諸珍物。餘優獎有差。夏五月。命侍郎崇厚出使俄羅斯。與議收還伊犁事。初。俄人乘中國有事。先後誘脅哈薩克。布魯特種人歸附。又攻奪浩罕三部。而浩罕屬安集延。亦隨風而靡。至同治十年五月。俄人藉口於伊犁回變時。俄商被害者眾。使其將軍科哈夫士克。以兵據伊犁。及光緒三年。中國收復吐魯番。擬進兵南路。時侍郎郭嵩雋出使英吉利。英人恐安集延為俄人所併。或為中國所滅。皆將不利於英。其駐華使臣威妥瑪。因為安集延緩輯。以扶持保護立國為辭。事下左宗棠。宗棠上疏。為揭破其隱。謂安集延非無立足之所。何待英人別為立國。即欲別為立國。則割英地與之。或即割印度與之。可也。何乃索我陝地以示恩。且言英人陰圖為印度增一屏障。公然強我於回疆撤一屏障。此何可許。我愈示弱。彼愈逞強。勢將伊於胡底。臣奉職邊方。惟有勉及驚鈍。不顧目前成敗利鈍。圖之現在南路之師。擬於八月中旬。九月初旬。分起進發。前聞英人遣使安集延。臣已馳告劉錦棠。張曜善為接待。如論及回事。則以我奉命討侵佔疆土之賊。以復我舊土地。他非所聞。如欲議論別事。請向肅州大營。彼如來營。臣自有以折之。詔如所奏行。追東四城告克。時議以伊犁久為俄據。恐難遽復。詔宗棠統籌全局。宗棠覆奏略稱。重新疆所以保蒙古。保蒙古所以衛京師。若新疆不

國則蒙古不安。匪特陝甘山西各邊時虞侵軼。防不勝防。即直北關山。亦將無晏眠之日。况俄人拓境日廣。由西而東。萬餘里。與我非境相連。僅中段有蒙古為之遮斷。徒薪宜遠。由突宜先。尤不可不預為綢繆。又言英人為安集延說者。慮俄之蠶食其地。於英有所不利。俄方爭土耳。其與英相持。我收復舊疆。兵以義動。設有意外爭辨。在我仗義執言。亦決無所撓屈。疏末復力言地不可棄。兵不可停。非連復股疆。無從着手。遂進規西四城。並克之。宗棠欲更收伊犁。而俄人以代收代守之名。為種種要索。至是。朝命宗厚赴俄。與議條約。冬十二月。撤宗厚歸國。華職還京。下之獄。先是。宗厚奉使至俄。與俄人布策訂立新約十八條。一。俄願將伊犁交還中國。二。中國收還伊犁。後願明降諭旨。赦宥伊犁民人前罪。三。凡伊犁民人遷入俄界者。俄國待之如己民。四。俄國民人僑居在伊犁所得之家產。仍歸其有。五。伊犁作何歸還。應由中國諭左宗棠等。俄國諭耆爾曼等互商。六。俄既歸還伊犁。中國願給俄國銀五百萬盧布。從立約後一年內陸續清付。七。伊犁既還中國。當以可西河之西。及麓山之南之地。以至於底克斯河。盡讓與俄。八。相議將大城交界。稍為更改。九。交界既由二國官員勘定。後應立界碑。以昭信守。十。除喀什噶爾及庫倫兩地已照先立和約。俄國立有領事外。今議定在嘉峪關料布多。哈密吐魯番。烏魯木齊。庫車各地。各再設立領事。十一。領事與中國地方官有互商事件。其文移悉用平行。華官待領事以客禮。十二。凡蒙古天山南路天山北路等。俄商貨物往來。俱不必付稅。十三。凡所議設有領事官之地方。並立一通商局。並在張家口一律設立十四。凡俄商販運貨物至張家口。嘉峪關。天津。漢口等處者。可通同州府西安府。漢中府各路。其將中國貨物運入俄國。亦由此路行走。十五。此約自從兩國御允後。五

年內不必更改。十六俄商已願另立低茶之稅。此事當由中國總理衙門核定。十七按照先立之約。凡有民人牛隻奔逸過界。總由地方官出力尋還。若實在無蹤。亦不必由地方官賠償。十八此約既立。經俄皇簽名。後一年內。由中國皇上蓋用御寶。送至俄京。至是咨送回國。朝鮮賊匪修撰王仁堪。原吉士威。呈洗馬張之洞。交章論劾。合謂此舉。借俄人兵費銀二百八十萬兩。割伊犁西界數百里與俄。又割南界數百里。跨天山以隔南八城。並開口岸多處。其他損失權利者尤多。在俄人索之。可謂至貪至橫。而崇厚許之。可謂至謬至愚。於是撤崇厚回國。褫職還治。而令廷臣疆吏會議萬全之策。崇厚旋定為新監候。

六年春正月。命一等毅勇侯太僕寺少卿曾紀澤。出使俄羅斯商改收回伊犁條約。崇厚與俄所議條約。既經中外大小臣工會議。諸多窒礙難行。詔紀澤自英赴俄。將收還伊犁條約。再行商改。秋七月。召左宗棠來京。以劉錦棠督辦新疆軍務。張曜督辦軍務。楊昌濬護理陝甘總督。先是崇厚與俄所議伊犁條約中。多所不便。詔下宗棠議。宗棠疏陳當先之以議論。委皖而用機。次決之以戰陣。堅忍而求勝。拜摺後。宗棠即分兵進取伊犁。奏以精河一帶為東路。伊犁將軍金順主之。自阿克蘇沿特克斯河為中路。廣東提督張曜主之。自烏什經布魯特為西路。幫辦軍務劉錦棠主之。復分遣譚上連軍屯喀什噶爾。譚拔萃軍屯阿克蘇。陶鼎金王福田等軍屯哈密。為後路聲援。四月。宗棠發肅州。昇輓以行。五月。抵哈密。俄人亦增兵守伊犁。納林河別以兵艦翔海上。冀震撼京師。於是天津奉天山東皆警。乃召宗棠入京。備顧問。以錦棠代督軍。張曜副之。昌濬權總督。命曾國荃督辦山海關防務。時聞俄人將於八九月間。調撥兵船來華。封閉遼海。以為挾

制之信。故有是命。並命鮑超募勇駐紮天津山海關兩處通中之地。命釋崇厚於獄。因曾紀澤奏近聞外間議論以中國將崇厚問罪。有關俄人顏面。恐因誤會而起嫌疑。未免有妨睦誼云云。諭令即行開釋。

七年春正月。曾紀澤與俄人定約於聖彼得堡。紀澤抵俄。與其外部大臣格爾斯及前駐華公使布策商訂條約二十款。專條一。又陸路通商章程十七款。卡倫單一歲。計改前約者七端。一。歸還伊犁南境二。喀什噶爾界務。不據崇厚所定之界。三。塔爾巴哈臺界務。照崇厚朋誼（同治二年事）所定兩界之間。酌中勘定。四。嘉峪關通商。仿照天津辦理。西安漢中兩路及漢口字樣均刪去。五。松花江行船至伯都訥專條廢去。六。添設領事。僅於吐魯番添設一員。餘俟商務興旺時再議添設。七。天山南北路貿易納稅事。改均不納稅。為暫不納稅。此外添償盧布四百萬圓。奏入奉旨允准。收還伊犁事遂結。時中外交稱紀澤之能。而紀澤深自謙抑。奏稱此次俄人輕棄已得之權利。全由俄土戰後財殫力竭。其君臣雅不欲再啟釁端。故得從容商改。和平了結。若議者以為俄強大之國。尚不難遣一介之使。取已成之約而更改之。執此以例其餘。則中外交涉。更無難了之事。斯言一出。將來必有承其獎者。

清史紀事本末卷五十八

通使及選派留學

德宗光緒元年。秋八月。派侍郎郭嵩燾道員許鈴身出使英國。改派鈴身出使日本國。以五品京堂劉錫鴻代為駐英副使。鈴身因事留直隸。又以侍講何如璋代使日本。初。同治六年十月。派道員志剛即中孫家穀偕美使蒲安臣出使有約各國。辦理中外交涉。九年五月。天津教案起。命侍郎崇厚出使法國。皆臨時派遣。非常駐之員。是年五月間。總理各國事務衙門奏請預儲熟悉洋務人才。得旨允行。至是。復有是命。令諸使臣分駐各國。統率參贊領事等官。辦理一切交涉事件。冬十一月。以三品京堂陳蘭斌同知容闕出使美日秘三國。先是。同治十一年正月。江督曾國藩直督李鴻章奏請挑選幼童赴美國肄業。蘭斌與闕同派管理學生。常川駐美。經理一切。至是奉命駐紮美日秘三國為公使。蘭斌等抵美後。查美國各邦華人。共十有四萬餘。計金山一帶。已有六萬。奏設領事於金山。埠以道員陳樹棠充總領事。駐劉其地。金山美紳傳列秘克領事。至日查有古巴屬島。華民傭工其處者有六萬餘人。因設古巴總領事一。以主事劉亮沅充之。馬丹薩領事一。以同知陳善壽充之。尋又設秘魯嘉里約領事一。暫駐利馬。並居駐秘參贊署中。復專駐海口。

二年。秋八月。總理各國事務衙門奏定出使經費允之。時雲南匪徒戕殺英人馬嘉理一案。議結。李鴻章與英使議定條款。內有簡派使臣齎奉軍書赴英。表明惋惜一條。故前派使臣郭嵩燾等將出洋。前往英國。至是。總署擬定出使經費呈奏。得旨允行。冬十二月。李鴻章沈葆楨奏請派

道員李鳳苞等率領福建船廠學生三十名分赴英法兩國學習製造駕駛從之先是同治六年六月閩督左宗棠奏設船廠於福建保薦保領總理船政前後五年造成輪船三號兵輪二十艘分布各海口祖立拉鐵打鐵鑄鐵輪機水缸諸廠開學堂二所選幼童分習駕駛製造諸藝十二年十一月奏請於船廠前後學堂選派學生分赴英法學習製造駕駛飭下鴻章等會同臺澎有事報議及光緒元年四月閩廠監督日意格回國保柏遣學生數名隨往法國游學是年三月海防洋教習都司李勵協解職回德鴻章奏派武弁十長勝等七人同往德國武學院講習水陸軍械技藝至是又遣鳳苞率同製造學生十四名製造藝徒四名赴法國官學官廠學習製造又駕駛學生十二名赴英國格林回火抱士穆德學堂並鐵甲大兵船學習駕駛兵船

三年春三月改派駐英副使劉錫鴻出使德國裁駐英副使夏五月駐劄日本使臣何如璋奏請於日本口岸設立理事從之橫濱築地兩口設正理事一以同知范錫朋派充神戶大坂兩口設正理事一以同知劉壽鏗派充長崎一口設正理事一以中書全璜派充秋九月駐英使臣郭嵩燾奏請於英屬新嘉坡設立領事從之嵩燾奏稱英國之新嘉坡島為萬國通衢五方雜處華商輻輳往來日臻繁盛應請設立領事官以道員胡璣澤充當得旨允行

四年春正月命駐英使臣郭嵩燾兼充法國公使秋七月命一等毅勇侯候補京堂曾紀澤出使英國法國道員李鳳苞出使德國

五年夏五月命侍郎崇厚出使俄國旋授全權大臣許其便宜行事因與俄政府議收還伊犁事也

六年春正月。命大理寺少卿曾紀澤。出使俄國。將崇厚所議收還伊犁條約。再行商改。

七年春三月。陳蘭斌等奏設檀香山領事。從之。太平洋中有國曰山域治埃蘭。譯稱檀香山。共轄八島。為華民出洋要衝。又為美國金山後路。且係秘魯來華中站。至是議設領事於其地。以商董同知銜陳國芬改為領事官。秋七月。命三品京堂鄭藻如出使美日秘三國。召陳蘭斌回京。在總理各國事務衙門行走。始裁副使。藻如抵美後。奏設紐約埠領事。以通判歐陽明元領事官。

十年夏四月。命侍講許景澄出使法德義荷奧等國。未到任以前。以李鳳苞兼署。

十一年夏五月。召曾紀澤回京。以江西布政使劉瑞芬出使英國俄國。時因英滅緬甸。分界事關繫甚重。召紀澤回京面詢。以瑞芬代之。命侍郎張蔭桓出使美日秘三國。

十三年夏五月。命內閣學士洪鈞出使俄德奧和等國。大理寺卿劉瑞芬出使英法比等國。道員李興銳出使日本國。興銳因病未行。以庶常黎庶昌代之。冬十二月。兩廣總督張之洞奏設小呂宋領事。不允。小呂宋埔為日斯巴尼亞國屬地。之洞屢疏稱。小呂宋埔計有華民五萬餘人。分訴日人虐害情形。懇請派官保護。綜核情形。非設總領事不可。經電商使臣張蔭桓擬派總兵銜兩江先用副將王榮和為駐劄小呂宋總領事。總署難之。不允行。

十五年春二月。命江蘇按察使陳欽銘出使英法美比四國。尋欽銘以病免。以大理寺卿薛福成代之。三月。命侍講在國因出使美日秘三國。

十六年秋七月。命侍讀許景澄出使俄德奧荷四國。道員李經方出使日本國。

十七年春正月。駐英使臣薛福成奏設南洋各島領事。從之。上年七月。海軍提督丁汝昌巡歷南

洋羣島其未設領事各地華民約三十萬。備受土人虐待。因而環訴於汝昌。請求奏設領事。汝昌歸言於總署。咨令福成酌量辦理。至是福成請於香港設一正領事。以新嘉坡領事知府左東隆派充。新嘉坡原設領事改為新嘉坡兼轄海門等處總領事。以駐英二等參贊道黃遵憲調充。駐劄新嘉坡兼轄麻六甲（即明史滿刺加國）丹徒斯羣島檳榔嶼威利司雷峇暨其屬部科科斯羣島（以上皆英屬土英人定其總名曰海門共計華民十七萬四千三百二十七萬）及白蟻（即卑力國計華民六萬餘）石蘭莪（即石郎阿國計華民二萬八千）松蓋芙蓉（計華民一萬）柔佛（計華民十萬）以上皆小邦。歸英保護者。英人聯合各地定其名曰海門屬部。

十八年夏六月。命編修汪鳳藻出使日本。冬十二月。命太常寺少卿楊儒出使美日秘三國。

十九年冬十一月。命道員龔照瑗出使英法美比四國。

二十年冬十月。命湖北布政使王之春如俄。唁俄皇亞力山德之喪。並賀新皇尼可來第二即位。二十一年春正月。命大學士直隸總督一等肅毅伯李鴻章如日本議和。時中日戰事方劇。而中國海陸軍隊屢敗於日本。因假鴻章以全權。往日本廣島（時日皇移駐廣島策應海陸各軍）講款。以美員福世德從。冬十二月。以明年四月俄皇加冕。派李鴻章為正使。往賀。先是王之春人微言輕。不足當此責。可勝任者。獨李中堂耳。乃改派鴻章為頭等公使。前往俄國致賀。實則喀希尼欲誘致鴻章往俄。辦訂中俄密約也。

二十二年冬十月。命四品京堂羅豐祿出使英國。道員黃遵憲出使德國。四品京堂伍廷芳出使

美國

二十三年春二月。命侍郎張蔭桓赴英國。賀女皇維多利亞即位六十年慶典。三月駐京俄使喀希尼微服潛赴英。密邀蔭桓遊俄。侍以殊禮。以籠致之。使不反對密約也。命侍郎呂海寰出使德國。荷國以黃遵憲奉命後。緣事未行也。

二十四年夏四月。詔飭總理各國事務衙門。酌派同文館學生。並咨行直隸兩江兩廣湖廣閩浙各督撫。遴選學生。往日本留學。從御史楊深秀請也。是年閏三月間。日本使臣矢野文雄有函告總署。據稱日本政府。知中國需才孔亟。倘選派學生出洋習業。日本願供經費。並親至總署面稱。中國如派學生往日本肄業。人數以二百名為限。至是深秀奏及之。乃有是命。秋八月。命四品京堂李盛鐸出使日本國。是年三月。命黃遵憲使日未行。至是政變。遵憲稱疾請開去。差使允之。以盛鐸往。冬十月。命駐俄使臣侍郎楊儒前往荷蘭國海牙城會議日英佛條約。即紅十字會時各國在此議立保和公會會期。

二十六年冬十二月。命左都御史張百熙赴英國。唁英君之喪。並賀新君即位。

二十七年夏四月。命醇親王載灃為頭等專使。赴德國。上年五月。北京拳匪亂作。戕害德使克林德。至是命載灃往德謝罪。代表帝悔之意。並達謝忱。聞德皇將強之行跪拜禮。留滯邊境不進。經政府按國際公法力爭。德皇始允予通融。五月。命侍郎那桐為專使。赴日本。以拳亂時。日本使館書記生杉山彬在北京被戕。至是遣那桐前往日本。代表帝惋惜之意。並達謝忱。命五品京堂蔣鈞出使日本。命駐紮各國公使訪察游學。咨送回華聽候考試錄用。六月。命知府許

台身出使韓國時朝鮮已稱帝改國號曰韓建元光武遣使來聘用敵國禮廷議以朝鮮藩屬今夜即自大不如絕之帝曰我不能有而附於日日既左右之立國建元稱帝號矣國儼然鄰國也此與東西諸國寧有少殊乎我不能拒絕東西諸國之使奈何獨拒韓使遂令具覲見而報以國書如常禮至是遣台身出使於韓駐劄漢城台身旋奏設漢城總領事以舉人傅良弼派充命副都統蔭昌出使德國秋七月調駐英公使羅豐祿出使俄國時以駐俄使臣楊儒與俄外部議約俄人威脅利誘儒不敢拒乃以下車傾跌致病請急命豐祿前往接替八月命各省選派學生出洋肄業召戴澧回國戴澧奉命抵德致遞國書之後擬即啟程前往美日及英意比等國德皇大不悅謂有違專誠之旨遂不允收禮而意皇致函戴澧約十月十五日後方能接待英廷亦無迎迓之諭戴澧電聞諭即啟程回華冬十月命四品京堂張德彝出使英國時古巴宣告自主派德彝兼充古使與古巴安立新約

二十八年夏四月命五品京堂許鈺出使美國楊兆璽出使比國吳德齊出使奧國向例奧國以駐俄使臣兼充義比兩國以駐英使臣兼充而三國以國體所關屢請中國遣派專使因有是命六月命五品京堂胡惟德出使俄國四品京堂孫寶琦出使法國秋九月命各省選擇學生派往西洋各國講求專門學業冬十月派五品卿銜汪大燮為日本游學生總監督是年六月間駐日使臣蔡鈞反對自費生九人入振武學校學生五十餘人赴使館請求日本警察署忽逮捕學生代表吳敬恒孫揆均遞解回國復叱逐五十餘人出署而鈞飛電北京外務部總理各國事務衙門改設謂學生受康有為唆使聚眾鬧使署會美日專使貝子銜載振過日本晤

其外部大臣小村壽太郎。日人固心直學生。惟不欲顯持短長。但以通派博學愛才之人充總監督。駐紮是邦。為言。裁振據以覆奏。至是派大斐為管理赴東洋游學生總監督。青成既專取締益密。日本留學界自是日益多事矣。十二月派貝子銜溥倫為美國散魯伊斯城博覽會赴會正監督。以道員黃開甲東海關稅務司美人柯爾樂副之。

二十九年秋七月。以湖北游學日本學生王璟芳。効忠守正。賞給舉人出身。從撫臣端方電請也。冬十月命楊晟出使英國。

三十年秋九月。駐美使臣梁誠奏設墨國總領事。駐劄薩里那古盧斯海口。從之。外務部奏設南美洲英國屬地總領事。駐劄打蘭士噶路埠等處。以道員劉玉麟派充從之。冬十月派駐俄使臣胡惟德赴海牙會議。十一月電諭駐日使楊樞密查留東學生設立同仇會事。時日俄構兵以東三省為叢地。中國政府宣告局外中立。於是俄之海軍厚集旅順。分駐海參崴。其陸軍則厚集奉天。分駐朝鮮。北及關東南部。政府不敢問境內主權門庭之內。聽人鬭爭。日人譁然。細笑之。謂中國此次空前怪狀之中。立為可笑。可憐。留東學生恥之。全體激憤。一面倡立同仇會。號召會員。切齒裂眦。嗚呼奔走。一面組織學生軍。遣代表鈕永建內渡。聯合南北。疆吏運動政府。願聽節制。以抗俄人。而政府則頑然不應。一面使直督拘捕代表。一面電促公使威逼解散。至商請駐京日使內田。善壓制留東學生之法。

三十一年夏六月。致試出洋學生。實金邦平。等進士舉人出身有差。自是每歲試留學生以為常。秋七月。兩江總督周馥奏請選普通德文學生十名。赴美國學習陸軍。下所司知之。續派商

部右丞紹英出洋致察政治。八月。飭各省督撫多派學生游學歐美。命四品京堂劉世訓出使法國。三品京堂周榮曜出使比國。五品京堂黃浩出使義國。外務部參議汪大燮出使英國。調楊晟出使德國。李經羲出使奧國。榮曜歸事未行。改命順天府府丞李盛鐸出使比國。九月。改派四品京堂楊兆璽出使比國。時命李盛鐸會同戴澤等前往各國考察政治。改命兆璽使比。冬十月。以前駐俄使臣陸徵祥為專使。赴荷國海牙和平和會。以駐荷使臣錢恂副之。美前外部大臣福士達從會期。訂於三十三年五月五日舉行。及開會。各代表提議設立公判所。會眾聲言中國法律最缺。謂晚徐錫麟秋瑾兩案株連慘酷。有永不許拒回領事裁判權之言。抑中國為三等國。徵祥據理力爭。政府亦應請各國政府公認。照頭等國辦理。法代表覆稱中國既照頭等國辦。自應照頭等國接待。徵祥遂據向會中聲明。會中又以中國兵艦朽壞難保和平。復由徵祥電請政府速加整頓。會眾又議中國武代表丁士源越分妄為。請嚴加詰誠。飭遵軍統。十一月。命慶親王奕劻選派宗室出洋學習武備。

三十二年春三月。命駐英使臣汪大燮為賀日斯巴尼亞皇大婚專使。秋九月。賜游學畢業生陳錦濤等三十一人進士舉人有差。

三十三年秋七月。命外務部右丞雷補同出使奧國。八月。命商部左侍郎伍廷芳出使美墨秘古等國。九月。予游學畢業生章宗元等進士舉人出身有差。冬十一月。派遣員前光典為歐洲游學生監督。十二月。予進士館游學畢業員楊兆璽等獎勵有差。

三十四年春二月。命外務部右丞胡惟德出使日本國。調錢恂出使義國。以陸徵祥出使荷國。

三月。允農工商部奏請於西貢河內瓜哇添設領事。夏四月。予游學畢業生章宗祥等進士舉人出身有差。六月。予進士館游學及外班畢業學員黎湛枝等獎勵有差。因吳國減收賠款。派奉天巡撫唐紹儀為專使前往致謝。秋八月。命陸軍部右侍郎蔭昌出使德國。九月。予進士館游學畢業員陳雲誥等獎勵有差。予游學畢業生陳振先等進士舉人出身有差。予進士館游學畢業員葉尤圻等獎勵有差。冬十月。御史葉蒂棠奏赴美游學生請按有分派下學部知之。

清史紀事本末卷五十九

英訂烟臺條約及續約

德宗光緒元年春正月英國總譯官馬嘉理被殺於雲南先是馬嘉理領總理各國事務衙門護照往緬甸迎卹度派來副將柏郎等既得還折回雲南是時行至騰越廳屬蠻允地方被戕英人以為雲貴總督岑毓英實主使之交涉遂起二月飭署雲貴總督岑毓英將英國總譯官馬嘉理被戕一案確實查辦時論軍機大臣等英國注意雲南等處已非一日現欲借此開釁以為要挾之計至應加意籌防著岑毓英將此案確切查辦並著劉永福迅即回任會同辦理一面遴派明幹之員帶領得力弁兵前往就近駐紮借彈壓土司為名暗杜彼族不測之謀或騰越一帶本有兵勇屯戍即由該督撫密籌不可過涉張皇亦不可稍涉疏忽總期邊釁可息後患無虞方為妥善三月飭雲貴總督劉永福等迅將馬嘉理一案持平辦理時總署探聞英國欲派兵進滇並聞駐京英使威妥瑪出京時駐京俄使布策與之密商英兵進滇俄兵亦由伊犁進使中國首尾不能相顧中國海關總稅務司英人赫德亦稱其國現派兵五千由緬甸藍貢海口至雲南交界處所駐紮總署悉據以聞政府以所聞各節虛實雖未可知而至應為先事綢繆之計詔飭督臣劉永福撫臣岑毓英迅將此案確查秉公辦結並謂滇省野人雖居鐵壁關外其地尚屬中國不得謂非中國管理設馬嘉理非野人所戕而誘之野人或實係野人所戕而謂野人非王法所能及勢必如上年臺灣番社之事使族即可派兵自辦遂其奸計云夏五月命湖廣總督李瀚章往雲南查辦事件著即迅速赴滇將馬嘉理被戕一案會同該督撫秉公訊結秋八月飭四

川總督吳棠傳知前侍郎薛煥迅速赴滇幫同李瀚章辦理馬嘉理被戕一案

二年夏六月命大學士直隸總督一等肅毅伯李鴻章為全權大臣即赴烟臺與英國使臣威妥瑪會商一切事務先是李瀚章等查辦滇案覆奏謂馬嘉理前此道滇赴緬沿途地方均妥為保護後由緬返滇中隔野人土司地界該處向多匪徒與野人勾結其時騰越紳民間洋人帶有洋兵多名將入關內是以集團自衛而馬嘉理自緬境折回未經知會地方官致匪徒乘機劫擄因洋人施放手槍覺其夥匪阿用一名登時起意拒捕殺害馬嘉理及其從人四名地方官實無調兵阻止及指使戕害情事而威妥瑪返京與總署王大臣會議仍堅請將全案人證提京覆訊王大臣不允威妥瑪遂於四月出京詔李鴻章俟其到津時與之互商既與威妥瑪至烟臺未即南下詔李鴻章馳赴與議秋七月李鴻章與威妥瑪定約於烟臺鴻章抵烟臺至威妥瑪處會商仍堅執事由岑毓英主使倘中國政府不允將全案提京彼已令觀審員格維納回英面陳並將全案文卷證據齊送本國查核一月內方有辦法此時即與議商仍須咨請本國政府作主等語鴻章反覆與之駁詰以滇案業經欽派大員往查訊取供證確鑿若必欲將督撫大員提督須將所得岑毓英指使文札信據或的確可靠見證交出查驗當據以請旨否則中外各國皆無此辦法維威妥瑪又以上年秋間在總署議定辦理滇案優待駐京大臣暨領通商事宜三大端須一併議辦乃可結案其甚為各所喜聽通俄德法美日奧六國駐京使臣及英德兩國水師提督均在烟臺鴻章故示整暇往來談燕並詣英德兩兵船閱操會為壽節鴻章又邀請各公使提督燕飲慶賀極力與之聯絡情誼方洽於是各使臣公議亦謂無確實憑據請提京為非威妥瑪

始允另議辦法。就訂定會議條款三端。專致一條。所謂烟臺條約者也。摘錄於下。第一端。照雪嶺案。一。咸大。臣。擬。有。真。案。奏。稿。底。本。由。李。大。臣。或。總。理。衙。門。具。奏。惟。於。出。奏。之。前。須。將。摺。本。交。咸。大。臣。閱。存。二。奏。明。奉。旨。發。抄。後。由。總。署。將。摺。件。諭。旨。抄。錄。知。照。並。通。行。各。存。將。此。次。摺。件。諭。旨。詳。細。列。入。告。示。限。兩。年。內。由。英。國。駐。京。大。臣。隨。時。派。員。分。往。各。省。查。看。張。貼。告。示。情。形。即。由。地。方。大。吏。派。委。妥。員。會。同。前。任。三。所。有。滇。省。邊。界。與。緬。甸。地。方。往。來。通。商。一。節。應。如。何。明。定。章。程。於。滇。案。議。定。摺。內。一。併。請。旨。飭。下。雲。南。督。撫。俟。英。國。所。派。官。員。赴。滇。後。即。選。派。妥。幹。大。員。會。同。商。訂。四。自。英。曆。明。年。正。月。一。日。即。光。緒。二。年。十。一。月。十。七。日。起。以。五。年。為。限。由。英。國。派。員。於。滇。省。大。理。府。或。他。處。相。宜。地。方。一。區。駐。寓。察。看。通。商。情。形。並。隨。時。可。與。該。省。官。吏。商。辦。關。於。英。國。官。民。一。切。事。宜。五。所。有。在。滇。被。害。人。並。家。屬。應。給。恤。款。以。及。滇。案。用。過。經。費。並。因。各。處。官。員。於。光。緒。二。年。以。前。辦。理。未。協。有。應。償。還。英。商。之。款。現。定。為。關。平。銀。二。十。萬。兩。由。咸。大。臣。隨。時。兄。取。六。俟。此。案。議。結。時。奉。有。中。國。政。府。悅。惜。滇。案。重。書。應。即。欽。派。出。使。大。臣。前。往。英。國。所。有。使。臣。銜。名。及。隨。從。人。員。均。應。先。行。知。照。咸。大。臣。以。便。咨。報。本。國。其。國。書。底。稿。亦。應。先。送。閱。看。第。二。端。京。外。兩。國。官。員。會。晤。禮。節。及。審。辦。案。件。交。涉。事。宜。一。現。因。兩。國。官。員。往。來。會。晤。及。文。移。往。來。一。切。事。例。京。外。尚。有。未。協。之。處。應。由。總。署。照。會。各。國。駐。京。大。臣。會。同。商。訂。禮。節。條。款。總。期。中。國。官。員。看。待。駐。居。中。國。各。口。等。處。外。國。官。員。之。意。與。泰。西。各。國。交。際。情。形。無。異。且。與。各。國。看。待。在。外。之。中。國。官。員。相。同。緣。中。國。現。有。派。員。出。使。之。舉。此。項。章。程。亟。應。定。明。二。咸。豐。八。年。所。定。中。英。條。約。第。十。六。款。所。載。英。國。民。人。有。犯。事。者。由。英。國。領。事。官。或。他。項。奉。派。幹。員。懲。辦。等。字。樣。查。原。約。內。漢。文。以。英。國。兩。字。包。括。前。經。英。國。議。有。細。章。並。

添派按察司等員在上海設立水審公堂以便遵照和約辦理現英國業將前定章程修改盡善
中國亦在上海設有會審衙門辦理中外交涉案件而所派委員審斷案件或因事權不一或因
顧忌嫌怨往往未能認真審辦茲議由總署照會各駐京公使將通商口岸應如何會同總署議
定水審章程妥為商辦三凡遇內地各省地方或通商口岸有關繫英人命盜案件或由英國大
臣派員前往該處觀審至中國各口岸審斷交涉案件兩國法律既有不同只能視被告者為何
國之人即赴何國官員處控告原告為何國之人其本國官員只可赴承審官員處觀審倘觀審
之費以為辦理未妥可以逐細辯論庶使各無向隅各按本國法律審斷此即條約第十六款所
載會同兩字本意以上各情兩國官員均當遵守第三端通商事務一議非以各口租界作為免
收洋貨釐金之處並添開宜昌蕪湖溫州北海四處口岸作為領事官駐紮處所及重慶可由英
國派員駐紮查看川省英商事宜輪船未至重慶以前英國商民不得在彼居處開設行棧俟輪
船能上駛後再行議辦至沿江之大通安慶湖口武穴陸漢口沙市等處均係內地處所並非通
商口岸按長江統共章程不准洋商私自起下貨物今議通融辦法輪船准暫停泊上下客商貨
物皆用民船起卸仍然內地定章辦理除洋貨半稅單照章查驗免釐其有報單之土貨只准上
船不准卸賣外其餘應完稅釐由地方官自行一律妥辦二新舊各口岸除已定有各國租界應
無庸議其租界未定各處應由英國領事官會商各國領事官與地方官商議將洋人居住處所
畫定界址三洋藥一宗咸大臣議請本國准為另定辦法與他項洋貨有別今英商於販運洋藥入口
時由新關派人稽查對存棧房或躉船俟售賣時洋人照則完稅並令買客一併在新關輸納釐

稅以免偷漏。其應抽收釐稅若干。由各省察勘情形酌辦。四洋貨運入內地。請領半稅單照。各國條約內。原已訂明。自當遵辦。嗣後各關發給單照。應由總署核定畫一款式。不分華洋商人。均可請領。並無參差。洋商辦土貨。由內地運往口岸上船。條約內亦有定章。英商完納半稅。請領單照。即可運往海口。若非英商自置土貨。該貨若非實在運往海關出口。不得援照辦理。所有應定章程。免致滋生弊端之處。咸大臣即領會同總署設法商辦。至通商善後章程第七款。載明洋貨運入內地。及內地置買土貨等語。係指沿海沿江沿河及陸路各處不通商口岸。皆屬內地。應由中國自行設法防弊。五咸豐八年所定條約第四十五款。內載英商若將已經完納稅項洋貨。復運外國。稟明海關監督。發給存票。他日均可持作已納稅餉之據等語。原約並未定有年限。今訂明三年為期。限滿作廢。六香港洋面粵海關。向設巡船稽查收稅事宜。屢由香港官憲聲稱。此項巡船有擾累華民商船情事。現在議定。即由英國選派領事官一員。由中國選派平等官一員。由香港選派英官一員。會同查核定章。遵辦。總期於中國課餉有益。於香港地方事宜無損。七以上議准添開通商各口岸。及沿江六處。准起卸貨物一節。應由李大臣奏請於半年後。開辦各口租界。免洋貨釐金。及洋藥在新開併納釐稅兩節。俟英國會商各國再行定期開辦。另議專條。現因英國酌議約在明年派員由中國京師啟行前往。通歷甘肅青海一帶地方。或由內地四川等處入藏。以抵印度。為探訪路程之意。所有應發護照。並知會各處地方大吏暨駐藏大臣公文。屆時當由總署察酌情形。妥為辦結。

十一年夏五月。駐英使臣一等毅勇侯曾紀澤。與英首相兼外務尚書侯爵沙力斯伯里。續訂烟

壹條約專條十款成洋藥稅釐併徵。茲在烟壹條約延擱數年。迄未開辦。迭經總署與英使威妥瑪商議。總以咨報本國為詞。指作延宕地步。至九年正月。以威妥瑪回國。詔派紀澤與英外部商辦此事。期在必成。如李鴻章前議百一十兩之數。並在進口時輸納。即可就此定議。紀澤屢與其前外部尚書伯爾遜。蘭斐爾磋商。至本年二月。始克成議。會葛蘭斐爾退職。沙力斯伯里以首相兼外部尚書。紀澤疊催訂期畫押。英外部忽稱印度部因中國內閣學士周德潤奏參鳳陽開遠例收稅事。索紀澤文據。擔保此次所訂專條。不致為官吏所壞。卒致不行。等語。紀澤申辯再三。最後具牘聲明條約既定。不致有意外之勒索。英外部始訂期是月初三日畫押。計條約專條十款。所謂烟壹條約者也。列於下。一、烟壹條約第三端第一第二兩節所擬辦法。現在議定。應由兩國國家日後再行商酌。二、烟壹條約第三端第三節所擬洋藥辦法。今議定改為洋藥運入中國者。應由中國海關驗明。封存海關。准設具有保結之棧房。或封存具有保結之趸船內。必俟按照每百斤箱向海關完納正稅三十兩。並納釐金不過八十兩之後。方許搬出。三、現在議定。凡照上節所載正稅釐金兩項完納之後。該貨主即可在具有保結之封存處所。眼同海關將洋藥拆改包裝。其貨包每種式樣尺寸。應由海關官員會同該口領事官預先酌定。聽貨主擇用。如貨主於此時請領運貨憑單。海關即當照給。不取分文。其所請憑單。或每包一張。或數包一張。悉聽貨主之便。凡有此等運貨憑單之洋藥。運往內地之際。如貨包未經拆開。暨包上之海關印封記號碼數。均未擦損。私改即無須再完稅捐等項。此等運貨憑單。只准華民持用。而洋人牟利於此項洋藥者。不許持用憑單。運寄洋藥。不許押送洋藥。同入內地。四、現在議定。給發憑單章程。各口一律五中。

國國家應許此等貨色在行銷洋藥地方開拆者如有應納稅捐等項或當時所徵或日後所設或由明收或由暗取均不得較土烟所納稅捐等項格外加增亦不得別立稅課如此等稅捐係照貨價計課即應將洋藥與土烟價值相較均算其較算之法應於洋藥之市價內扣除進口時所納釐金六現在議定此次所定增專條應與一千八百七十六年九月十三日所定烟臺條約視同一律其實力鄭重之處亦與逐字載入烟臺條約無異此專條應於畫押以後六箇月開辦施行此指兩國批准文據已在期內互換而言倘期內未能互換即自互換之日開辦施行七專條所載洋藥章程議定照行四年四年以後兩國如有欲廢棄章程者無論何時皆可先期十二個月聲明一經通知在期即為廢紙惟議定倘查所發運貨憑單於海口運送洋藥前往內地行銷處所之時仍不免其輪納一切稅捐等項則無論何時英國即有廢棄專條之權倘續增專條既經廢棄則洋藥辦法仍應照現在所行之天津條約所附章程辦理八續增專條既經開辦如查其中有應行變通更改之處兩國國家即可會同商議酌改九烟臺條約第三端第七節所載派員查禁香港至中國偷漏之事應即作速派員十此次專條所改之烟臺條約暨此次議定續增專條一併由兩國朝廷批准文據應在倫敦作速交換定約大臣各奉本國國家之命議定續增專條畫押蓋印此專條係在倫敦繕立漢文兩分英文兩分共為四分

清史紀事本末卷六十

法越兵事及和約

德宗光緒九年春三月命大學士直隸總督一等肅毅伯李鴻章馳往廣東督辦越南事宜即制廣東廣西雲南三省防務安南自故廣南王喬孫阮福映得法人之援以嘉慶七年恢復舊疆受中國冊封改稱越南國王後法使至越南索餉金國王靳之遂開法人侵略之端咸豐間又因殺害教民與法構兵同治元年始立約講和割南圻之嘉定道和定祥(外三省)畀法人十二年又開兵衅再訂和約又割永隆安江河仙(內三省)之地予之於是南圻全為法路改嘉定為西貢成為大埠上年法人欲實行紅河(富良江一名珥江屬北圻)通商有黑旗黨魁劉永福者太平軍故將也其軍旗尚黑故以黑旗名太平國亡後永福以所部入越越王招撫授以三宣提督之職轄宣光興化山西三省永福遂扼守山西保勝一路權商稅以供軍餉故法人必欲驅除之以通保勝商路而永福誓死不相退讓法人因和約內有出資剿匪之條遂指黑旗軍為匪以兵船駛至海陽聲稱攻取東京三月陷河內是年二月又陷南定進陷河陽其附近之廣安寧平二省均為所佔時永福駐山西軍絕精悍又得滇督岑毓英助軍火故屢戰勝法師法人既憚永福乃別以兵船攻東京順化河岸礮臺陷之適國王阮福時死國人殺其嗣王推立其弟福昇法人逼脅立約權利盡失旋福昇仰藥自殺國人又立福時之子福曆年十二受脅不能自振始使使來告急朝命鴻章迅速前往廣東督辦越南事宜所有廣東廣西防軍均歸節制秋八月命兵部尚書彭玉麟往廣東督辦海防先是李鴻章奉命督師援越未行與駐京法使寶海在天津訂約三

條。已有分界保護越南之議。中國方許退軍。而法廷忽翻成約。謂中國已飭諸軍退紮。足令法國派出驅逐黃黑旗黨巡軍。無有阻難。立召寶海回國。以脫利古代之。脫利古至上海。命鴻章與之商辦。無成。讓脫利古聲言將來兵船入京。政府亟命鴻章還直隸任。至是。脫利古又揚言至廣東。故命王麟赴粵。而命南北洋妥籌防務。

十年春三月。廣西巡撫徐延旭。雲南巡撫唐炯。均革職。連問。先是延旭奉命出關督師。粵督張樹聲所遣提督黃桂蘭。屢高竿。多淮軍。延旭不敢違。總督意亦倚桂蘭。俾盡統諸軍。凡四十二營。駐北寧。當前敵。而自統二十餘營駐諒山。為後路。桂蘭在軍。日夜酣酒。奪民間妹。患（閩女之稱）恐為荒淫。不恤軍事。部下益相習。無紀律。越南人怨之。次骨。會有教民。賄其將黨。敏宣。為言於桂蘭。給軍裝助戰。教民得軍裝。遂助法兵來攻。全軍潰走。北寧遂失守。事聞。延旭連問。調湖南巡撫潘鼎新為桂撫。布政使王德榜為提督。桂蘭自殺。新敏宣以殉。唐炯出關。見敵勢盛。遂於中途折回雲南。致諸軍退紮。山西失守。至是。亦連問。命滇督岑毓英出關督師。夏四月。李鴻章與法國水師總兵福祿諾在天津議定簡明條款五款。成時。法越事勢益亟。興化已為法人佔守。粵稅司德人德璵。驛力任調停。詔鴻章通盤籌畫。酌定辦法。至是。鴻章與福祿諾議定五款。一。中國南界。罷連北圻。法國約明。無論遇何機會。或並有他人侵犯事情。均應保全護助。二。中國南界。既經法國與以實在憑據。不虞有侵佔滋擾之事。中國約明。將所駐北圻各防營。即行調回邊界。並於法越所有已定與未定各條約。均置不理。三。法國既感中國咨商之意。並敬奉大臣力顧大局之誠情。願不向中國索償賠費。中國亦宜許以毗連北圻之邊界。所有法越與內地貨物。聽憑運銷。並約

明日後另遣使臣議定詳細商酌稅則務須格外和衷期於法國商務極為有益四法國約將來與越南議改條約之內決不挿入傷礙中國威望體面字樣並將以前與越南所立各條約開礙東京者盡行銷廢五此約既經彼此簽押兩國即派全權大臣限三月後悉照以上所定各節會議詳細條款再此約繕寫中法文各兩分在天津簽押蓋印各執一分為據應按公法通例以法文為正 閏五月命兩江總督一等威毅伯曾國荃與法使巴德諾在上海會議詳細條約先是福祿諾臨行與李鴻章言擬派隊巡查越境及駐逐別團（黑旗兵）各語鴻章不以上聞奉旨申飭時岑毓英駐保勝潘鼎新駐諒山朝命將駐紮北圻各軍調還關內而法軍旋以巡邊為名攻犯諒山鼎新等屢有提奏法提督孤拔率兵船來福州馬尾有佔據地方為質索賠兵費之說法使巴德諾逗留上海詔國荃前往與議旋國荃議許給撫卹銀五十萬兩嚴旨申飭又以巴德諾照會無理已甚諭一意主戰 六月法兵攻陷臺北基隆礮臺又攻滬尾礮臺巡撫銜督辦臺灣軍務劉銘傳擊卻之銘傳軍抵基隆越七日法人來犯毀礮臺銘傳以臺灣無兵艦海面不可爭鋒專誘之陸戰令其登岸而後迎擊是月銘傳率四提督曹志忠章高元蘇得勝鄧長安與法人戰於基隆斬其酋三兵百餘奪獲鎗礮多件法兵大敗追至海濱而還銘傳時以滬尾離臺北府僅三十里離基隆八十里臺脆兵單恐後路稍有疏虞則基隆之兵不戰而潰於是朝戰勝而夕退軍八山後使法人聚於基隆則沿海邊境不致處處窺伺其形似弱而其策萬全不知者反議銘傳銘傳嘆曰是惡知我之深謀也至是法人果三犯滬尾皆受創而去滬尾守將孫開華尤善戰 秋七月法國海軍攻燬福州馬尾各礮臺並擊沈兵船多艘轟燬船廠法人乘上海議和之

際。潛駛兵船入泊福建馬尾等處。合口內外都十四艘。而福防僅兵船七。戰船二。督防三品卿銜侍講學士張佩綸。屢請先發。請南洋互援。皆不得。御史劉恩溥奏請於陸桓劉銘傳二人中簡任一人。暫權閩督。亦不報。時英美觀戰船與法國銜尾。以牽制奇兵。兩提督又時以調處來告。懈軍心。相待四十餘日。軍士皆面目憔悴。無人色。既敵船知閩中鄙陋。矜域士卒孤疲。遂乘雨後潮急。順風來擊。時飛雲兵輪督帶參將高勝雲。手發巨礮。擊其烏波船。一命中。以一飛雲小艦當敵。三大艦中流堅拒不退。忽橫來一礮。騰雲船為之折。復一礮。遂飛入水中。而沒。舟乃發火。福星輪船管駕五品軍功陳英。見英美船驟下。急起投誓。求曰。吾船與敵俱小。非深入不及敵船。敵以三船環之。英轉援甚靈。放礮亦捷。酣戰至一時之久。舟中機損人亡。不顧。但以礮向法提督孤拔船。孤拔船中礮小。却敵復增船來攻。英猝中礮於望台。學生王連隨殉。船始焚燬。英美觀戰者均稱嘆不置。為之深惜云。是役計七兵輪。兩商船。及艇哨各船均燬。守備許壽山。葉琛。五品軍功林森。林皆力戰死。兵士死者二千餘。船廠半燬。而法亦燬六船。焚溺三百人。事聞。佩綸如章均交部議處。而言論者不已。後均發遣軍臺。八月。廣西提督蘇元春等。敗法兵於越南陸岸縣。元春督軍與法國陸師屢戰於陸岸縣之對河。敵兵盡燬。又擊燬南岸敵船一艘。平燬陸岸取臺。尋敵船駛至陸岸船頭地方。水陸接戰。元春與總兵陳嘉。分兩路迎擊。焚敵甚衆。提督方友升等與法師戰於郎甲。敗績。是年春間。淮軍既敗於北寧。廣東陸路提督楊玉科。領廣武三營。屯觀音橋。閏月。法人由郎甲進攻觀音橋。提督萬業以所部四千屯橋南。當前敵。玉科與提督王洪順屯橋北。為後勁。萬業戰稍挫。退至橋北。法軍從之。入千總寧裕明。急出萬業後。登北嶺絕頂。發礮下擊。別伐兩

哨於山之左右麓橫截敵軍之要。敵軍悉力禦嶺上軍不虞伏兵之驟出也。驚而潰。追至郎甲。賊
其銳卒數百。旋奉電旨。退入鎮南關。法人約退東京。乃止。退北寧。裕明說玉科謂法人詐和。必不
可信。宜乘機進兵。會有旨派員赴敵境偵探。裕明應命往。七月。歸龍州。說鼎新宜進兵。是月。玉科
率提督方友升總兵周壽昌諸軍出屯郎甲。距觀音橋八十里。是月。越南教民送豕羊犒軍。報法
人且至。友升曰。我軍裝未齊。營壘未固。不能速戰。教民去不二日。而法兵大至。隱深林中。軍中不
之覺。昧爽。忽聞砲聲。友升猶曰。軍士試取耳。俄而開花彈落營中。炸死十餘人。始知敵至。時築壘
未畢。軍士各散就荒村為食。壽昌率二千五百人。駭而奔。友升以千人亦奔。法兵卒於玉科營圍
之數十重。裕明以親軍三百。且戰且掘坑。朝至日昃。敵人數萬。衝突數十次。卒不得入。左右勸裕
明走。裕明回顧。見四面皆法兵。不見援兵一人。望玉科中軍圍尤厚。不知存沒。乃慨然曰。戰死總
走亦死。鎗聲戰死耳。左右曰。主帥猶在。曰。即欲出。亦必殺入。時天已昏黑。乃口銜匕首。右手縱火
彈。左手持馬刀。驅而前。左右隨而馳。斫者二百餘人。敵兵皆披靡。竟入中軍。玉科左右僅數十。尚
據內濠力戰。裕明於是衛玉科出。士卒死者又五十。傷者四十餘。存者百人耳。玉科既出。左右僅
三人而已。是役也。玉科懲賞敵宣前事。拒教民不使見。而友升不知教民皆敵軍間諜。遽納之入
且以資語之。故及於敗。軍士死千餘。敵軍死者亦相當。而玉科裕明之能軍乃大著。冬十月。蘇
元春等擊敗法軍於越南。紙作社法人自船頭敗。噴後退至紙作社。築壘據守。潘鼎新遣蘇元春
督副將李應章參將黃雲高等軍分兩路設伏。令陳嘉引兵前往撲擊。戰方酣。伏兵乘之。陣斬敵
將四。兵百八十餘。奪獲鎗械甚夥。敵兵敗入紙作社屯。堅守不出。十一月。提督劉永福等攻

復越南之宣光興化山西三省各府州縣永福於是年八月受招撫詔以提督記名令進兵恢復越南各地九月永福進攻宣光屢有新獲是月法兵來霧引兵出城直撲永福副將吳鳳典營永福督鳳典軍由中路迎敵五品京銜主事唐景福督部將談敬德等會永福部將黃守忠軍攻其左奈疏英所遣游擊張世榮及參將謝有以陸海涵等真軍攻其右三面夾擊整肅甚眾敵兵仍退入城於是宣光省屬之安平府陸安州雷化州及宣光城屬之連山同安中門安嶺各縣興化省屬之鎮安文振安立各縣山西省屬之夏和清波兩縣各地方皆復十二月法船攻浙江鎮海口提督歐陽利見等擊卻之先是總兵吳安康率南洋兵船五艘援臺灣於浙江海面遇法國兵船自沈二船餘退入鎮海口法人進攻鎮海口利見親督諸船與礮臺兵合力轟擊孤拔坐船受傷各船乃相率駛出

十一年春正月諒山失守法兵進攻鎮南餅提督楊玉科力戰死之上年十二月間法人增兵進逼諒山以全力進攻蘇元春聞十二晝夜元春奮力鏖擊敵尸遍地潘鼎新空諒山之防率隊往助失利引退諒山遂不守諸軍皆屯關內玉科獨屯關外十五里之文淵州距法軍僅五里是日昧爽敵軍來犯竄裕明陣中傷當前敵使徐占魁據左營廖應昌據右嶺玉科駐大塘嶺上督戰後裕明陣里許甫交綏礮中占魁足遽回營應昌懼而奔一軍隨之獨裕明督所部力戰敵入分兵從右嶺入玉科見廣昌敗慮裕明力單遣提督劉思河率中營親兵助之裕明方發鎗礮彈已洞穿思河胸中玉科腦及腰裕明不知玉科陣亡正遣紅旂中軍領子藥紅旂還報玉科死狀裕明大號曰帥死我何生為諸人有不懼死者請從我為帥復仇皆哭曰願從死前突敵陣斬五畫

金線敵將一法總統之婿也。是時敵聲如雷。子飛如風雨。鎗連環發。如飛火。震死者空中墮。麾下如倒排牆。飛彈中裕明洞右頰而出。裕明不自知其傷。持馬刀當敵衝而進。軍士皆大哭曰。統帥戴花矣。戴花軍中隱語中敵也。爭扶掖入關。裕明猶不行。曰。吾當死此。左右始之謂玉科尚未死。乃強舉之入關。敗報至京。鼎新王德榜俱革職。以提督蘇元春督辦廣西軍務。接察使李東衡護理廣西巡撫。二月。前廣西提督馮子林王德榜等攻克大洲州。克復諒山。先是法人攻陷鎮南關。前隘隘北五里有三山如品字。曰小南關。子材統十營三營屯山上。七營屯山下。是日敵人以奇兵起。開東嶺出。間道奪小南關。游擊霍裕明方養創慈祥。聞敵聲。裹創飛騎至。則馮軍已敗下山。裕明從山北街上馬刀砍敵人。敵人披靡。於是諸軍相繼登德榜屯油隘。亦聞敵聲。遣都司陳得勝問道赴援。留祈帳油隘為疑兵。而自率親軍。遂放火箭橫殺入關。截敵人輜重。敵人前後受偏。乃敗走南方卑溼。春草方生。洋人革履滑輒入草中。迫追兵。又不得止路。窮急哀呼。相聞諸軍乘勝窮追。斬敵數千。敵人被殺急。則投鎗降。脫帽為禮。以手捍頭。自是法一敗不復整。敗文淵。敗諒山。敗谷松。敗威城。敗長慶。敗船頭。由北而南。八日夜。退二百餘里。法人懼請成。遂與議和。命越南臺灣等處停戰。夏四月。李鴻章等與法使已特納在天津會訂和約十款。成初由總統務司英人赫德力請仍照津約。與法人重議詳細條約。於天津簡明條約外。別無要求。蓋是時中國於諒山獲勝。法政府因之有所顧忌。增兵籌餉之策。在議院否決。故和約遂成。凡十條。所謂越南新約者也。今撮其大意列之如下。一。准法國在越南緝私安撫。惟不得侵犯中國邊界。二。法越南後自立條約。或已定者。或續立者。均聽辦理。言明必不至有礙中國威望體面。三。此約畫押後。

六個月內由中法兩國派員會勘中國北圻界限四准法國人民及別國人之居住越南者先領
護照過界入中國五開通商稅關一在雲南保勝以上（後定蒙自）一在廣西諒山以北（後定
龍州）六法國商人運貨進出雲南廣西邊界應納各稅照現在通商稅則較減七中國在南數
省擬造鐵路法國願盡力勸助八此約內所載通商各款及將訂各項章程應俟換約後十年之
限滿方可增修凡此約畫押後法兵退出基隆臺灣澎湖並除去在海面搜查等事十中法兩國
前立各條約章程除由現議更張外仍餘仍應一體遵守約既就即於北京互換巴德納請將桂
軍前獲法國弁兵九人擇回而擄去平安輪船弁勇七百餘人亦全數交還降將阿參聖仍留中
國軍營

編者曰法越事起三省會師出關乃其戰事之結果至於震動海疆數省耗帑金二千餘萬卒
並越南藩屬付之法人設使無諒山一捷法人不允議和當日中之為中未可知也先民有言
曰兵凶戰危可不懼哉至於馬江之役人多以咎張氏然其職任不過學士而會辦海疆事宜
耳。畜生夙不知兵受任於倉猝之際號令不專兵將不習政府又刀禁其先發一督一撫一船
政大臣皆袖手旁觀由於張氏任京職時好言事權更側目久矣此時則惟幸其欺特假手
於法艦之以取之耳聞張氏出京時閩敬銘氏執其手而語之曰君其為重鎮矣張蓋亦自知其
必敗而不得不往殉之也况法帥孤援以是役傷於礮卒斃總局雖毀不敢迫越省城張氏之
死似亦足以掩其過矣倘較之甲午之役其得失為如何哉

清史紀事本末卷六十一

藩屬之喪失

德宗光緒五年春閏三月日本滅琉球。夷為冲繩縣。琉球在中國東南大海中。康熙二年冊封琉球國王。自是貢舟三年一至。原部三十六島。舒蟠如虬龍流動。故稱琉虬。後改琉球。北部九島中部十一島。南部雖有十六島。而周迴不及三百里。北部中有八島。當咸豐時日本乘中國多事。引兵佔據。僅存一島。同治十年以琉球人漂流臺灣。為生番所殺。日本人藉此起釁。爭琉球為其版圖。出其國史相證。據書明島歷三十七年。義久取琉球。其後書琉球人貢者十。日本寬文十一年當中國康熙十年。天和二年。當康熙二十一年。享保三年。當康熙五十七年。寬延二年。當乾隆十四年。明和元年。當乾隆二十九年。寬政二年。當乾隆五十五年。又八年。當嘉慶元年。文化三年。當嘉慶十一年。天保三年。當道光十二年。天保十三年。當道光二十二年。當日日本駐京副使柳原前光以此與總署反覆辯詰者累日。未幾有日人四名亦漂至臺灣。遭害。日廷乃以兵向臺灣要索。卹銀五十萬兩。始罷兵行成。而琉球主權已陰讓於日本。政府不之覺。及光緒初元英人爭滇案。法人擾越南。俄人駐伊犁。日人遂乘間遣人傳日皇旨。令琉球停止中國貢使。其國王答以久為中國藩封。不便擅廢。因使人來告。時政府以新疆軍務方急。中西交涉事繁。竟不之顧。至是日本發兵艦至琉球。執其王尚泰以歸。廢之。尋改其地為冲繩縣。封尚泰侯爵。

七年春二月諭總理各國事務衙門。再向日本使臣妥商琉球案。上年二月間。日本人竹添進一至天津。謁直督李鴻章。議結琉球案。稱其政府之意。擬以北島中島歸日本。南島歸中國。又以前與中

國所訂約章無一體均霑之條與諸西國獨異欲援照加入鴻章以其將球事與約章混為一案近於要挾嚴拒之旋日本公使穴戶璣屢至總署催結球案蓋知中俄之約未定意在乘機挾制而美前總統格蘭德復出任調停亦主張劃島分隸之說鴻章因就詢在津之球人向德宏知南島枯礁球人得之仍不能自主而球王及其世子日本又不肯釋還鴻章遂致函總署謂俄事方殷日人藉肆要求允之則大受其損拒之則多樹一敵惟有用延宕之一法以為對付俟俄事既結再理球案則力專而勢自張總理王大臣體之懸球案不遲結至是俄約成詔以存琉球宗社及劃分兩島事命總署與日使商訂後穴戶璣以未滿所欲悻悻而去至越南新約成日本乃援法以為例於是琉球終歸日領矣

九年秋七月越南與法蘭西立新約十三條越南在中國南境本稱安南康熙五年封黎維禔為安南國王自後六年一貢嘉慶八年以後改統越南全境分為四部北曰東京中曰文趾支那南曰柬埔寨極南曰下交趾支那咸豐同治間屢次與法人構兵連失而貢附近之三郡及南部文趾支那柬埔寨等地結西貢條約認越南為自主國實為法之保護國政府尚未之知也光緒八年復繕名保商以兵船駛入河內攻陷之是年二月陷南定河陽及廣安寧平二省分兵攻陷東京順化礮臺至是迫越南割東京以議和訂約十三條其第二條云嗣後越南為法之保護國非法國許可不得與他國交通約成越南始來告

十一年夏四月大學士直隸總督一等肅毅伯李鴻章與法使議和於天津訂新約十款成中國為越南與法人構兵連年法人以海軍奪海南踞臺灣直搗福州轟燬船廠艦隊幾盡其陸軍

在東京。先後為劉永福馮子材蘇元春等所擊敗。是年二月法人攻小南關。子材復擊走之。諸軍
振隊窮追。連蹙之於大洞。於諒山。於谷松。於威波。於長慶。於船頭。追奔二百餘里。敵殆盡。方敵
之大挫於大洞也。其國人大譁。議院諸人多皆議政府。其勢難以久持。乃潛託總稅司赫德為言
於李鴻章。以議和。政府尚未知諒山之捷。遽允之。時駐法使臣曾紀澤密電法國情形。請力戰。不
報。約成。以越南讓法。冬十月。英吉利由印度進兵。滅緬甸。緬甸在中國南境。於乾隆十八年入
貢。其冬國內大亂。酋長蘇哈祖為白古人撒翁所敗。擒而沉之江。撒翁據阿瓦。翌年。緬屬之木梳
頭土司製藉才起兵。攻走撒翁。遂王緬甸。漸以兵脅服諸土司。於是東至整欠。景邁。孟艮。孟買。西
北至蠻暮。木邦。孟拱。均為緬屬。西南邊外騷然。滇督劉藻楊應琚前後以失機獲罪。將軍明瑞大
學士傅恒等屢出師征之。不能克。遂與議和。還師。而貢使終不至。迨暹羅興而緬勢稍蹙。五十三
年。緬酋孟雲畏暹羅之侮。遣使入貢。返俘虜。五十五年。復具表乞封。願十年一貢。許之。由是按期
入貢。道光二十三年。英人侵割印度。以兵船駛入緬甸內港。偪鄰城。緬人割阿薩母阿羅漢。送乃
武里母地方予英。始定和議。咸豐年間。又以怒江口通商埠頭之土官抽稅繁重。英人復以兵船
至郎官。再割北沽全土畀英。自是緬人以迭被英人侵凌。中國不能救。遂存輕視。底貢竟絕。至光
緒元年。又遣使入貢。及法人擾攘安南。英人復先攻奪緬甸沿海半國之地。即今所謂南緬甸
者也。至是英人乘中國因法越事厭兵之際。又由印度派兵襲緬。一舉而滅之。事聞。命駐英使臣
曾紀澤與英外部抗議。立君存祀。俾守十年一貢之例。不可得。後由總署與駐京英使歐格納訂
立緬約。始允存貢之議。其第一條載明。每屆十年。由英廷派緬甸大臣循例舉行。所派之人。應選

緬甸國人等語。中國爭得納貢之虛名。而實利全歸於英矣。

二十年春三月。朝鮮東學黨滋事。朝王來乞援。許之。朝鮮在中國東北境。自梁貞明四年。王建統
一朝鮮半島。更國號高麗。至明洪武二十五年。李成桂受明冊封。復號朝鮮。世為中國藩屬。咸同
間。法英兩國與之構難。政府不之問。同治十二年。日本又與有違言。以兵艦入其燕華島。受遭破
擊。日人興兵問罪。以其為半主之國。依公法。其外交當由上國主之。因遣使來問。政府復以畏事
之故。遽答之曰。朝鮮國政。中國素不與聞。貴國自與理論可也。於是日人於光緒元年正月。與朝
鮮訂立和約。其第一條。日本以朝鮮為自主之國。與日之本係自主者相平等。五年。其美德法諸
邦。相繼往朝鮮。求互市。朝鮮拒之。時李鴻章不明國際法上對於屬國之權利。及屬國無外交之
公法。貿然致書於朝鮮國相李裕元。勸其與各國立約。且以關於政府。謂藉此備禦俄人。章制日
本。六年。駐日使臣何如璋上書總署。倡主持朝鮮外交之議。請駐紮辦事。大臣於朝鮮。鴻章大不
謂然。謂顯然代謀。還有交涉。各國將惟我是問。殊為棘手。不若密予維持保護。尚覺進退裕如。八
年四月。朝鮮與美國立約。朝命道員馬建忠提督丁汝昌前往滋盟。旋英法兩國先後與朝鮮立
約。皆由建忠介之。八月。朝鮮都監營兵以索餉。譁變。藉清君側為名。殺大臣及辦外交者數人。並
攻日本使館。戕日本人數人。日使花房義實。蹴而免。亂兵入王宮。殺王妃閔氏。並囚國王熙興。世
子垢大院君徐出鎮撫之。大院君王本生父。是應也。熙嗣位時。年幼。康穆太妃趙氏委任。是應綜
理國事。號為興宣大院君。攝政十年。乃持鎮國主義。致屢召外兵。既反政。王柔仁閔妃參政。銳志
求強。開海禁。聯外交。一反大院君所為。國事遂變。大院君寢不平。故亂作。日本乘機以兵艦至朝

朝鮮使臣參判金允植侍講魚允中在天津聞變遂乞師時鴻章已以母喪假歸署直督張樹聲以聞命廣東提督吳長慶率登州戍卒三千東渡至漢京訪執大院君送天津詔安置保定令其閉門思過其黨百餘人悉捕殺之朝王依日本之要求給以償金開埠及駐兵定約而返時侍請張佩綸請派朝鮮通商大臣理其外交之政事下鴻章覆奏仍護前說貪一時之省事假名器以畀人自是各國皆不以中國藩屬待朝鮮朝鮮政府時分新舊二黨舊黨附中國就事大黨新黨附日本號獨立黨十年十月附日黨金玉均洪英植等作亂殺其大臣閔台鎬趙宰夏等召日兵入宮中國駐防提督吳兆有（先是有人奏日朝約中如兵費及駐兵兩條所關甚大道員馬建忠實主其事且尤由中國商局代借賠款詎閔長慶長慶亦歸罪建忠謂其擅預日約任性妄為遂與鴻章成却其年三月鴻章撤長慶歸戍旅順口留三營駐漢京以兆有統之兆有長慶部將也閔五月長慶嘔血卒於旅順軍中與辦理商務委員袁世凱助勤王兵殺英植等護朝王入宮王均等出奔日本日本公使竹添進一焚使館走仁川之濟物浦十一年正月日本遣宮內大臣伊藤博文來天津訂約載明將來朝鮮有事中日兩國欲派兵往必先互行知照於是朝鮮又成為中日兩國公同保護之國是年三月朝鮮又有東學黨之事黨中人皆富於革命思想因抵制日幣事黨首崔福成倡會於金羅道之古阜縣舉國響應朝鮮政府發兵捕之黨中迎拒兵大敗遂陷全州將僑王京世凱亞電鴻章稱朝鮮亂黨猖獗朝鮮決不能自平請派兵助剿鴻章遂發兵向牙山一面遵休津約使駐日使臣汪鳳藻照會日本日本遂亦派兵往中國援師行至中途而朝鮮亂黨悉平之報至夏六月日本兵入朝鮮王宮幽朝王使大院君主國事流其大臣閔泳駿

等。日兵既入漢京。中國兵亦至。屢請同時撤兵。日人不允。要求協助。干預朝鮮內政。中國亦不從。且申明朝鮮為中國藩屬。日本則責中國背津約。謂朝亂無待於剿。中國無端發兵。欲借端以開戰局。是曲在中國也。於是其使臣大島圭介。首責朝鮮獨立自主。勿認為中國藩屬。復以改革內政五事要之。朝王不應。圭介乃率兵入宮。殺獲兵。因朝王政令無鉅細。皆入日人管鑰。時世凱歸國。始為戰備。及戰事開。中國屢見挫於日本。海陸兵力俱盡。乃命馮章赴日本講和。磋商三月。款議始成。遂以明年正月訂約於日本之馬關。其第一條。載明中國認明朝鮮國確為完全無缺之獨立自主。所有對於中國修貢獻典禮。嗣後全行廢絕。於是日皇自大本營還東京。受其國人之慶祝。朝鮮王獨立稱帝。改國號大韓。建元光武。而朝鮮與中國二百七十五年之關繫。自是斷絕。冬十二月。英法二國協商。保證暹羅國獨立。暹羅在中國南境。即古扶南。自乾隆四十六年。航海來貢。政府因而冊封之。時緬甸勢方強。進侵邊地。暹羅頻掣其肘。以遏其方張之勢。實有功於中國。自是列於朝貢之邦。先後賜御書扁額。曰天南樂國。曰夾服屏藩。道光中始與英人締約。各國繼之。羣認其獨立。暹人亦思自振。勵朝貢之典禮。遂缺。及咸豐初元。太平軍起。東南披靡。風聲播及南洋。西人又加煽惑。暹人信之。將來此脫屬國名義。同治八年。遣使來上書。請廢貢獻之禮。以後贈獻方物。彼此授受儀式。當與西洋諸國同。政府拒之。光緒四年。曾紀澤使英。途過暹京。諷令照舊入貢。暹人不允。但請立商約。又拒之。五年三月。暹廷忽接到駐暹英領事轉遞中國策貢札文。蓋英官以戰船假中國旗號。偽云貢貢之師。以脅暹人。使之求助於彼也。暹王知之。向臣下具道。所以歷年欠貢之故。因貢表內前用跪其字樣。近已改用西禮。不無窒礙。然卒莫為代達於中國。

有故不能不與英人倍加親密云先是暹王久拉即古蘭格羅以勢孤意怯下令改朔易服禁蓄
奴與教育開道路定法律更幣制整頓林業等事皆效法西俗國勢賴以稍充然介於英法兩大
之間法既以交趾支那東京為屬地以東浦寨及南部越南為保護國又脅暹羅以湄公河東一
帶為法國屬暹羅官方拒之不得許以所索之地並償金五百萬法郎克以和時十九年事也法
既伸張勢力於暹羅英以屬土與暹毗連恐法人侵及緬甸至是與法人訂約互不得侵佔暹羅
片土至一千九百零四年四月八日雙方在倫敦簽押宣言確定英法兩國在暹羅政治上之地
位並保證暹羅獨立云此外中國之藩屬如蘇祿國在中國南海中雍正五年八月乾隆五年內
附至是以三島獨立而所屬之東婆羅州已割歸英公司南掌國一名老撾在中國南境雍正九年
內屬乾隆以後國土分裂西分服於緬甸其大半後為土司專轄其南方則於光緒十一年中英
訂結滇緬條約時英外侍郎即克當晤駐使曹紀澤稱英足額將潞江以東之地讓還中國其中
北有南掌政府不受迨暹羅獨立南掌遂歸附之布魯克巴國即不丹在中國西藏東南境雍正
十年來屬今稱獨立國哲孟雄國即錫金在中國西藏南境康熙五十九年歸屬光緒十六年英
人脅服之朝命駐藏大臣升泰與英劃界哲孟雄國遂盡入於英博羅爾國即帕米爾一作波健
羅在中國新疆慈嶺之西境乾隆二十四年納款自英俄環伺遠北迨西屬俄遠南則附於英屬
之阿富汗國阿富汗國即愛烏罕在巴達克山國之西南乾隆二十九年八月光緒五年英人佔
領之巴達克山國在慈嶺之西境乾隆二十四年來獻回酋霍集占兄弟之誠遂歸誠布哈爾國
在慈嶺以西乾隆二十九年因巴達克山國請內附浩罕國即教罕一作霍罕為慈嶺西回國乾

隆二十九年來納貢。哈薩克國即吉利吉斯族西人稱曰韃靼。包新疆西北境。乾隆二十二年征服布魯特國。包新疆西南境。乾隆二十三年遣使來朝。以上四國今皆為俄屬。廓爾哈國一名尼泊爾。又稱巴勒布。在西藏西南境。乾隆五十五年大學士福康安等率師征之。兵敗。赴軍前降。乾竺特國一名坎巨提。又作喀楚提。在新疆西南境。乾隆二十九年來貢方物。自是除廓爾哈而修職貢。乾竺特高為內屬外。舊日國藩竟無一存者矣。